

جریبہ عدلیہ

آلہی سنہ

۲۶ صفر ۱۳۳۴

۵ کانون ثانی ۱۳۳۱

نومرو ۱۴۶

صالی

قائمہ سہ ماہی

نوبہات عدلیہ

بتلیس استیناف محکمہ سی مدعی عمومیلکنہ حلب بدایت محکمہ سی رئیس بکر صدق واچہ اباد بدایت محکمہ سی رئیس اسماعیل ذکی افدینک مستغنی عدیلہ ریاست مذکورہ یہ تحویلی ایجاب ایدن کرہ سون بدایت محکمہ سی رئیس احسان وقونہ داخلندہ ارکلی بدایت محکمہ سی مدعی عمومیس احمد رؤف افدینک استغفاسنہ مبنی یرینہ سیواس استیناف محکمہ سی اعضا ملازملرندن احمد صلاح الدین و بوکرہ تشکیل اولنان رأس العین بدایت محکمہ سی مدعی عمومیلکنہ زور بدایت محکمہ سی اعضاسندن سلیمان سامی وزور بدایت محکمہ سی اعضالغہ موصل مرکز بدایت محکمہ سی سرمستطقی علی ارسلان وبغداد بدایت محکمہ سی اعضاسندن احمد نسیمی افدینک وقوع وفاتہ مبنی یرینہ مکتب حقوق مأذونلرندن حسن شمس و طرابلس شام بدایت محکمہ سی اعضاسندن سرکس افدینک عزلیلہ یرینہ سورہ استیناف محکمہ سی اعضا ملازملرندن محمد سامی و کربلا بدایت محکمہ سی اعضاسندن محمد سعید افدینک وفاتی حسیلہ یرینہ نابلس بدایت محکمہ سی اعضا ملازملکنندن مستغنی محمد عاصم و قرہ حصار شرقی بدایت محکمہ سی اعضالغہ بنیان حمید بدایت محکمہ سی مدعی عمومیس نجیب وایدین بدایت محکمہ سی مستطقلکنہ چال بدایت محکمہ سی مستطقلکنندن مستغنی

صالح و آراج بدایت محکمه سی مستطقلکنه نیکده بدایت محکمه سی مستطقلکندن مستعفی احمد صدیق و شمیدینان بدایت محکمه سی مستطقلکنه ملازکرد بدایت محکمه سی مستطقی ویسی نائی و دکزلی بدایت محکمه سی مستطقلکنه کوتاهیه قضا بدایت محکمه سی اعضاسندن و مکتب حقوق مأذونلرندن احمد برهان الدین و مجدداً تشکیل ایدیلن البو کال بدایت محکمه سی مستطقلکنه عمادیه بدایت محکمه سی مستطقی داود صبری و آطه پازاری بدایت محکمه سی مستطقلکنه باندومه بدایت محکمه سی باش کاتبی علی الاعلی درجه ده مستطقی شهادتنامه سی حائر مصطفی شوقی و عکا بدایت محکمه سی مستطقلکنه تعیین اولنان محمد بهاء الدین افندینک استعفا سی جهتیه یرینه سویده بدایت محکمه سی مستطقی نیقولا و کربلا بدایت محکمه سی مستطقلکنه متفک بدایت محکمه سی مستطقی عبدالحجید و قیر شهر بدایت محکمه سی اعضا ملازمی صائب افندینک وقوع استعفا سندر ناشی یرینه پره شوه بدایت محکمه سی مستطقی سابق زین العابدین و چوروم بدایت محکمه سی اعضا ملازملکنه کویکی بدایت محکمه سی اعضای سابقه سندن مصطفی لطفی افندیلر نقل و تعیین اولنمش و حما بدایت محکمه سی اعضا ملازمی محمد رضا افندی عزل ایدلمشدر .

بوراده سنیه نک اجراسنه عدلیه ناظری مأمورددر .

۲۰ ربیع الاخر ۱۳۳۴ و ۱۱ شباط ۱۳۳۱

محمد رشاد

عدلیه ناظری صدر اعظم
ابراهیم محمد سعید

* *

ازمیر غنایم بحریه محکمه سی ریاسته ازمیر استیناف محکمه سی جزا دائره سی رئیس مصطفی حسنی و محکمه مذکوره اعضا لفته محلی بدایت محکمه سی اعضاسندن علی رضا افندیلر تعیین اولنمشدر .
بوراده سنیه نک اجراسنه عدلیه ناظری مأمورددر .

۲۴ ربیع الاخر ۱۳۳۴ و ۱۵ شباط ۱۳۳۱

محمد رشاد

عدلیه ناظری صدر اعظم
ابراهیم محمد سعید

قوانین و نظامات

منافع عمومی به متعلق خصوصیات ایچون افراده عائد اراضی ایله طاش اوجاقلرینک

موقتاً صورت اشغالی حقننده قانون

ماده : ۱ منافع عمومی به متعلق امتیازی شرکتلر ویا متعهد ویا خود امانه حکومت طرفندن اجرا ایدیلر جک اعمالات و انشآت نافعه به اخشابدن ماعدا لزومی اولان هر نوع غیر معمول طاش و طوپراق ایله لوازم سائر انشائیه نک احضار و تدارکی و انشا آتک خصوصیات سائر سی ایچون مقتضی اراضی مجلس اداره نک اون کون طرفنده ویره جکی قرار اوزرینه ولایتک یا خود مستقل لوا متصرفلغنک قرار نامه مخصوص ایله عملیات و انشا آتک ختامنه قدر برای انتفاع موقتاً اشغال اولنور . ولایت یا مستقل لوا سرمهندسی یا خود انشآت نظارته مأمور قومیسر لر طرفندن اراضینک اشغال موقتی لزومیه اسباب موجب سی و اشغال ایدیلر جک اراضینک بولندینی محلی و محتویاتیه ماهیتی و متصرفک یا خود متصرفی اولق اوزره طانیلان کیمسه نک اسم و شهرت و محل اقامتی و اراضینک نه کبی عملیاته تخصیص ایدیلر جک و اشغال اولنه جق قسمک مساحه سی ناطق برجدوله ربطاً اعطا ایدیلر جک راپور اوزرینه اشبو قرارنامه اصدار اولنه جق و راپور محتویاتی جامع بولنه جقدر . مساکن مشتملاتندن اولان حرلی و سبزه و میوه و چیچک باغچه لری موقتاً اشغال ایدیلر منر اشبو قانونک بر صورتی اشغال موقت مساعد سی حاوی اولان قرارنامه به ربط ایدیلور .

ماده : ۲ اراضینک موقتاً اشغالی حقننده موافقت طرفین حاصل اولدینی تقدیرده عقد اولنه جق مقاوله نامه نک بر صورتی متعهد طرفندن سرمهندسه و شرکت طرفندن انشآت نظارته مأمور قومیسره تودیع ایدیلر جکدر .

ماده : ۳ اصحاب اراضی ایله شرکت ویا متعهد بیننده ائتلاف حاصل اوله مدینی تقدیرده سرمهندس یا خود قومیسر برنجی ماده ده بیان اولنان راپور وجدوللری املا و اراضینک حال و هیئت حاضره سنک تعیین و تقدیری ضمیمه شرکت یا خود متعهد طرفندن تعیین ایدیلر جک اهل خبره نک اشغال ایدیلر جک محله اثبات وجود ایده جکی کونی تعیین ایدر . صاحب اراضی ویا وکیلنه یوم معیننده طرف دیگر اهل خبره سیله برلکده ایفای وظیفه ایتک اوزره بر اهل خبره اعزام ایلسی ایچون باخبارنامه تبلیغاته بولنق اوزره اشغال ایدیلر جک اراضینک الک بیوک ملکیه مأمورینه اشعار کیفیت ایلر جک و اشبو معاملاتک اجرا واکال ایدلدیکی محلی ملکیه مأموری طرفندن سرمهندس ویا قومیسره یا خود تفتیشه مأمور اولان مهندس بیلدیریه جکدر .

اخبارنامه صاحب اراضی ویا وکیلنه بولنه مدینی تقدیرده اورتاچیسنه ویا کراجیسنه ویا بکجیسنه و بونلرده بولنه مدینی تقدیرده اشغال ایدیه جک اراضینک بولندینی محک ناحیه هیئتی ویا مجلس اداره سی ریاسته تبلیغ اولنور و اخبارنامه نك بر صورتی قضا ویا ناحیه مرکز لرنده حکومت قوناقلرینه وقریه لرده هیئت اختیاریه اجتماعکاهلینه تعلیق اولنور . صاحب اراضی به کوندریلن اشبو اخبارنامه نك تاریخ تبلیغله اهل خبره نك اجتماعی ایچون تعیین ایدیلن تاریخ آرسنده لاقول اون کونلک بر فاصله بر اقیله جقدر .

ماده : ۴ طرفینک اهل خبره سی تعیین ایدیلن کونده محله بالاجتماع اوتجی ماده ده محرر تضمیناتک تعیینته مدار اوله جق معلوماتی استحصال ایدرلر و ویره جکلری قرار دأرهنده اوچ نسخه اوله رق ضبطنامه تنظیم وزیری هرایکی طرف اهل خبره سی طرفدن تحتم اولنور .

بوضبطنامه لردن بریسی شرکته ویا متعهده و دیگر اراضی صاحبنه و اوچنجیسی ده سر مهندس یا انشا آتی تفتیشه مأمور اولان قومیسره تودیع ایدیلور .

ماده : ۵ طرفیندن پری اوچنجی ماده ده بیان ایدیلن مهلت ظرفنده اهل خبره تعیین واعزام ایلدیکی تقدیرده اراضینک بولندینی محک مجلس اداره سی ویا ناحیه هیئتی طرفدن نهایت قرق سکز ساعت ظرفنده بر اهل خبره تعیین و محله اعزام اولنور . بواهل خبره دیگر طرفک انتخاب واعزام ایلدیکی اهلی خبره ایل برلکده تدقیقات لازمه اجرا ایدر .

ماده : ۶ طرفینک تعیین ایدیه جکلری یا خود طرفیندن برینک تمردی حالنده مجلس اداره ویا ناحیه هیئتک تعیین ایلدیکی اهل خبره ایل دیگر طرف اهل خبره سی آرسنده اتفاق حصوله کلدیکی تقدیرده ولایت ویا مستقل لوا انجمنی طرفدن اوچ کون ظرفنده بر اوچنجی اهل خبره تعیین ایدیلور . و بواوچنجی اهل خبره نك تدقیقاتی بالا کال اوچ نسخه اوله رق تنظیم ایلدیکی راپور دردنجی ماده ده محرر اولدینی وجهله علاقه دارانه تبلیغ قلنور .

بالاده مذکور اوچنجی اهل خبره نك تعیینله تدقیقاتک اجرایی سکز کون ظرفنده اکل ایدیه جکدر .

ماده : ۷ مواد سابقه ده بیان اولان معاملاتک اکلندن صکر اصدار اولنه جق قرارنامه نك بر صورتی صاحب اراضی به ویا وکیلنه بولنه مدینی تقدیرده اورتاچیسنه ویا کراجیسنه ویا بکجیسنه هان تبلیغ اولنق اوزره والی ولایت یا مستقل لوا متصرفی طرفندن اشغال ایدیه جک اراضینک بولندینی محک الک بیوک ملکیه مأمورینه ارسال اولنور . محله ده اصحاب اراضی یا خود مقامنه قائم اوله جق کیمسه بولنه مدینی تقدیرده قرارنامه نك اشبو صورتی قضا ویا ناحیه مرکز لرنده حکومت قوناقلرینه وقریه لرده هیئت اختیاریه اجتماعکاهنه تعلیق ایدیلور و اراضی صاحب لرینه تبلیغ ایدلش حکمنده عد اولنوب قرارنامه نك نسخه ثانیه سی طرف ولایتدن ویا مستقل لوا متصرفلغندن سر مهندس ویا خود عمایاته نظارته مأمور بولنان قومیسره ارسال ایدیلور . بونلرده قرارنامه نك بر صورت مصدقه سی ایشده علاقه دار اولان شرکت ویا متعهده تبلیغ ایدر .

ماده : ۸ مواد سابقه ده بیان اولان معاملاتک اکلنی متعاقب شرکت ویا متعهده اصحاب اراضینک تضمینات استحصالی خصوصتده کی حقوقی محفوظ قالمق شرطیه برنجی ماده ده بیان اولان مجلس اداره قرارینه توفیقاً والی ولایت یا مستقل لوا متصرفی طرفندن اعطا ایدلش اولان قرارنامه ده محرر عملیاتک اجراسنه مباشرت ایدیه جکدر . اصحابی طرفندن مخالفت وقوعنده مأمورین اداره و عندالحاجه قوه ضابطه معرفتیه اراضی اشغال اولنور .

ماده : ۹ ختام عملیاتده یا خود عملیات بر چوق سنه لردن دوام ایدیه جکسه هر سنه عملیه نك انقضاسنده اشغال ایدیلن اراضی اوزرنده حصوله کلن خسارات مقداری دردنجی بشنجی والتنجی ماده لرده محرر شرائط دأرهنده اهل خبره طرفندن کشف و تخمین و تقدیر ایدیلن تضمینات در حال تسویه ایدیلور .

ماده : ۱۰ اهل خبره خسارات واقعه به مقابل اصحاب اراضی به اعطایی ایجاب ایدن تضمیناتی آتیده بیان ایدیلن قواعد کوره حساب و تخمین ایدیه جکلردر .

اولاً اشغال طلبندن اول آچیلش و ایشلدنلکده بولنش اولان طاش اوچاقلردن ماعدا کافه اراضی ایچون ویرلسی لازم کلن تضمیناتک مقداری مذکور محللرک دردنجی ماده موجبنه قبل الاشغال تقدیر ایدلش اولان احوالیه اشغالک ختامنده ویا خود هر سنه عملیه نك انقضاسنده اراضینک کسب ایتدیکی حالی مقایسه ایدیه رک اراضی به طاری اولدینی تبین ایدن نقصان قیمت اوزرنندن حساب ایدیلور .

ثانیاً اشغال طلبندن اول آچیلش و ایشلدنلکده بولنش اولان طاش اوچاقلری ایچون تضمینات مذکوره چیقاریلان طاشک مترو معینک اوچاقده کی رایج بدلی اوزرنندن تقدیر و حساب ایدیلور .

ثالثاً دیو ویا خود اعمالات موقعی اوله رق اشغال ایدیلن اراضی ایچون تقدیر ایدیه جک تضمینات مقداری اشغال مدتی ظرفنده کی بدل ایجار ایل اراضی مذکوره نك قبل الاشغال بولندینی حاله ارجاعی مصارفی نقطه نظرندن تخمین ایدیلور .

ماده : ۱۱ اهل خبره طرفندن تعیین و تقدیر ایدیلن تضمیناتدن طولایی طرفیندن برینک اعتراضی وقوعنده عائد اولدینی محکمه ده قائمه دعوا به حق اوله جقدر . بو حالده تخمین ایدیلن تضمینات مقداری متعهده ویا شرکت طرفندن محلی زراعت بانکسی صندوقه و بولنه میان محله عثمانلی بانکسینه در حال دیپوزیتو ایدیه جکدر .

اعتراض صاحب اراضی طرفندن وقوع بولش ایسه تخمین ایدیلن تضمینات شرکت ویا متعهده طرفندن یوزده یکریمی فضله سیله دیپوزیتو ایدیه جکدر . متعهده ویا شرکت صورت قطعیه ده تأدیه سنه مجبور اولدقلری تضمیناتی تماماً تسویه ایلدکلرینی ویا خود واقع اولان اعتراض سیبیله نتیجه حکمه انتظاراً ولدی الحاجه یوزده یکریمی فضله سیله زراعت بانکسی صندوقه ویا عثمانلی بانکسینه تودیه مجبور اولدقلری مبالنی دیپوزیتو اوله رق

یا تیرد قلیخی اوراق منته اراء سیله اثبات ایتمه مجبور بولنه جقلردر. بوجه ثابت اولدجه متعهدله اثنای انشآتده تسویه اینیلن استحقاق بدلرندن علی الاصول توقیف ایدیلن تأمینات اچله لریله شرکتلره اولجه تودیع ایتدکلی کفالت اچله لری اعاده ایدلیه جکدر.

ماده : ۱۲ اهل خبره نك كرك اراضی اوزرنده بولند قلیری كرك راپور تنظیمی ایچون مرکزده مشغول اوله جقلری بهر کون ایچون یکریمی غروشدن دون واللی غروشدن افزون اولماق اوزره یومیه اعطا قلنه حق و بوندن ماعد اعزیمت و عودت ایچون وقوع بولان مصارف سفریه حقیقه لری تسویه ایدلیه جکدر مسئله محکمه یه توریع ایدلیکی تقدیرده اشبو یومیله سالف الذکر نسبت دائره سنده طوغریدن طوغری به محلك مجلس اداره سی ویا ناحیه هیئی طرفندن تقدیر ایدلیه جک و اهل خبره محکمه قراریه تعیین ایدلش ایسه یومیله لرك مقداری محکمه طرفندن تعیین ایدلیه جکدر.

طرفندن تعیین ایدیلن و یا خود برینك تمردی حالده کندی نامه مجلس اداره ویا ناحیه هیئی طرفندن تعیین ایدیلن برنجی درجه اهل خبره نك یومیه و مصارف سفریه لری اراضی یی اشغال ایده جک اولان طرفندن تأدیه ایدیلور.

اوجنجی اهل خبره نك یومیه و مصارف حقیقه سی طرفین اهل خبره سی تقدیر ایتله اوجنجی اهل خبره نك تقدیری اده سنده کی فرق ایله متناسباً والی ویا متصرف یا خود محکمه رئیس طرفندن طرفینه تقسیم ایدیلور. حکومتك حسابنه اجرا ایدلیه جک کشف و تخمینلر ایچون کوندیلان اهل خبره نك یومیه و مصارفی موقتاً اراضینك اشغالی موجب اولان عملیات انشائییه مخصوص مبالغدن تسویه ایدیلور اهل خبره نك طلبی اوزرینه یومیله لری علی الحساب صورتیه کندیلرینه تسویه اولنور علی الحساب تأدیاتك مقداری اهل خبره یه ویریه جک یومیه و مصارف مجموعنی تجاوز ایده مر. اراضی اشغال ایدن طرفندن اوجنجی اهل خبره یه وقوع بوله حق تأدیات تماماً تعیین ایدوبده طرفینه تفریق ایدلدکن صوکره اشبو مصرفك اراضی صاحبنه اصابت ایدن مقداری کندیسنه تأدیه ایدلیه جک تضمیناتدن توقیف ایدیلور.

ماده : ۱۳ انشآتك بر متعهده احواله ایدلیه لرك طوغریدن طوغری به طرف حکومتدن امانتاً اجرایی حالده اشغال موقت معاملات عین صورتده اجرا ایدیلور. شوقدرکه بوحالده کشف اراضی و تقدیر تضمینات ایچون شرکت یا متعهد طرفندن تعیین اولنه جق اهل خبره طوغریدن طوغری به حکومت طرفندن تعیین ایدیلور.

ماده : ۱۴ اشبو قانون تقویم وقایع ایله نشری تاریخندن اعتباراً اون بش کون مرورنده مرعی الاجرادر.

ماده : ۱۵ اشبو قانونك اجرای احکامنه نافع و داخلیه وعدلیه ناظرلری مأموردر.

قوه اجرائیه جه ۱۲ ربیع الآخر ۱۳۳۲ و ۲۵ شباط ۱۳۲۹ تاریخنده تنظیم و موقتاً موقع تطبیقه وضع اولنان اشبو قانون لایحه سی ۲۸ کانون ثانی ۳۳۱ تاریخنده مجلس عمومیه تعدیلاً قبول ایدلشدر. مجلس اعیان و مبعوثانجه قبول اولنان اشبو لایحه نك قانونیتی و قوانین دولته علاوه سنی اراده ایدلم. ۱۸ ربیع الآخر ۱۳۲۴ و ۹ شباط ۱۳۳۱

محمد رشاد

نافعه ناظری	عدلیه ناظری	داخلیه ناظری	صدراعظم
عباس	ابراهیم	طلعت	محمد سعید

۵ رجب ۱۲۹۶ تاریخی اصول محاکمات جزائییه قانوننك ۸ ۳۴۵,۳۳۰,۳۲۹,۳ نجی

ماده لرینی معدل قانون

ماده : ۱ اصول محاکمات جزائییه قانوننك اوج یوز یکریمی طقوزنجی ماده سی بوجه آتی تعدیل ایدلشدر : تمیز استدعا نامه سی ویرلدیکی تاریخندن اعتباراً نهایت اون کون وراًساً تابع تمیز اولان اعلامات ایچون دخی حکمك صدورندن اعتباراً نهایت یکریمی کون ظرفنده مدعی عمومی اوراق دعوائی و طرفینك عرضحاللری وار ایسه آنلری باش مدعی عمومیلکه کوندره جکدر. تمیزی طلب اولنان یا خود رأساً تابع تمیز بولنان حکمی ویرن محکمه نك کاتبی اوراق دعوائك بلاخرج برقطعه دفترینی یا بوب اعلامه ربط ایده جک و خلاقی حالده اوج آلتون جزای نقدی اعطاسنه محکمه تمیزجه حکم اولنه جقدر.

ماده : ۲ قانون مذکورك اوج یوز اوتوزنجی ماده سی بوجه آتی تعدیل ایدلشدر : باش مدعی عمومی اشبو اوراقی اخذندن اعتباراً اون کون ظرفنده محکمه تمیزه کوندره جک و محکوم علیه اولنلر عرضحاللرینی و اعلام ایله تمیز استدعالرینك اسباب موجب لایحه سی صورتلرینی طوغریجه محکمه تمیز قلمنه دخی اعطا ایده بیله جکلردر.

ماده : ۳ مذکور قانونك اوج یوز قرق بشنجی ماده سی بوجه آتی تعدیل ایدلشدر : تدقیقات تمیزیه نتیجه سنده تنظیم ایدیلان اعلام محکمه تمیز رئیسله باش بیز طرفندن ممضی اوله رق باش مدعی عمومی به اعطا اولنور و اورادن دخی حکم بیز می اعطا ایدن محکمه ده بولنان مدعی عمومی به کوندریلور.

ماده : ۴ قانون مذکورك اوج یوز سکزننجی ماده سی بوجه آتی تعدیل ایدلشدر : محکمه تمیز تدقیق ایدلیکی جنایات اعلاماتی تصدیق ایدلیکی حالده باش مدعی عمومیلک معرفتیه اعلامی ویرن محکمه نك مدعی عمومیلکنه تبلیغندن اعتباراً اوج کون ظرفنده حکمی اجرا اولنور. اعلامات مذکورده دن اعدامه دائر اولنلر باش مدعی عمومی طرفندن عدلیه نظارتنه تقدیم و اورادن دخی علی الاصول

عرض عتبه علیا قلنهرق جزا قانوننك اون التنجی مادهسی موجبجه اراده سنیهك صدورندن صكره موقع اجرایه قونیلور .

قوة اجرائیه جه ۱۹ ربیع الاخر سنه ۱۳۳۲ و ۴ مارت سنه ۱۳۳۰ تاریخنده تنظیم وموقتاً موقع تطبیقه وضع اولنان شبوقانون لایحهسی ۲۸ كانون ثانی سنه ۱۳۳۱ تاریخنده مجلس عمومیهجه تعدیلاً قبول ایدلمشدر . مجلس اعیان ومبعوثانجه قبول اولنان اشبولایحهك قانونیتنی وقوانین دولته علاوهسنی اراده ایدلم . ۱۸ ربیع الاخر ۱۳۳۴ و ۹ شباط ۱۳۳۱

محمد رشاد

عدلیه ناظری صدر اعظم
ابراهیم محمد سعید

ممالك اجنبیهده بولنوبده ممالك عثمانیهده قیدی اولمیان تبعه عثمانیهك سجل نفوسه صورت

قیدی حقنده ۵ شوال سنه ۱۳۳۲ تاریخلی نفوس قانوننه مذیل — قانون

ماده منفرده — ممالك اجنبیهده بولنوبده ممالك عثمانیهده قیدی اولمیان تبعه عثمانیه دخی شهیدر خانلر طرفندن خارجیه نظارتی واسطهسیله کوندریلهك ورقه رسمیه اوزرینه اشبو قانونه توفیقاً استانبول ولایتده آیروجه طوتیلهك دفتره قید ایدیلهك وبونلره عائد وقوعات كذلك شهیدر خانلرک علم وخبرلرینه بناء یوریدیلهكکدر .

مجلس اعیان ومبعوثانجه قبول اولنان اشبو لایحهك قانونیتنی وقوانین دولته علاوهسنی اراده ایدلم .

۲۴ ربیع الاخر سنه ۱۳۳۴ و ۱۵ شباط سنه ۱۳۳۱

محمد رشاد

عدلیه ناظری خارجیه ناظری داخلیه ناظری
ابراهیم خلیل طلعت محمد سعید

قانون اساسینك یدنجی مادهسنك تعدیلی واوتوز بشنجی مادهسنك طی حقنده

قانون صورتیدر

یدنجی ماده : درت آی ظرفنده بالاتخاب اجتماع ایتمك اوزره لدی الاقتضا هیئت مبعوثانك

فسخى حقوق مقدسه پادشاهیدندر .

اوتوز بشنجی ماده : طی ایدلمشدر .

مجلس اعیان ومبعوثانجه قبول اولنان اشبو لایحه ايله قانون اساسینك تعدیلنی اراده ایدلم .

۴ جمادی اول سنه ۱۳۳۴ ۲۵ شباط سنه ۱۳۳۱

محمد رشاد

داخلیه ناظری وحریه و بحریه ومالیه ناظرلری وکیل شیخ الاسلام و اوقاف هایون ناظری صدراعظم
طلعت خیری محمد سعید
نافعه ناظری عدلیه ناظری وشورای دولت رئیس وکیل خارجیه ناظری
عباس ابراهیم خلیل
تجارت وزراعت ناظری معارف ناظری پوسته وتلغراف وتلهفون ناظر وکیل
احمد نسیمی احمد شکری

تبلغات عمریه

عمریه نظارندنه ۲۹ شباط ۳۳۱ تاریخنده نظیر ارلانه محررات عمومیه صورتنبردر :

دولتجه نشر اولنهك قوانین ونظامات ایله بونلره متعلق اولهرق نظارتلرجه ویریهك تعلیمات ومقررات قوة اجرائیهك الك بیوك مأموری وهرنظارتك وکیل وممثلی بولنان والیلر ومستقل متصرفلر طرفندن شعبات مختلفه ادارهیه تبلیغ اولنهكجنی کبی نظارت ثناوریدن ولایتلره ومستقل لوالره تبلیغ ایدیلهك قوانین ، نظامات ، تعلیمات ومقررات عدلیهكده والیلره ومستقل متصرفلر معرفتیه استیناف مدعی عمومیلککرینه ومومی الهم طرفندن ده مأمورین سائره عدلیهیه تبلیغ ایدلمك لازم کلوب ملحق لوالر متصرفلریله قضا قائمقاملرینک صلاحیت تبلیغیهنی حائر اولمدقلری تعمیماً ولایات والویه مستقلهیه تبلیغ ایدلدیکی جواباً داخلیه نظارت جلیلهسندن بیلدرلمش اولمغله بیان معلومات اولنور .

**

ولایت یازیلان ۱۰ اغستوس ۳۲۹ تاریخلی تحریرات عمومیهیه ذیلدر . قانون جزانک یوزتمش طقوزنجی مادهسنك علاوهسنك تعدیلنه دائر قوة اجرائیه جه ۳۰ تموز ۳۲۹ تاریخنده تنظیم وموقتاً موقع تطبیقهوضع اولنان قانون لایحهسی مجلس عمومیهجه بوکره عیناً قبول ایدیلهك ۹ شباط ۱۳۳۱ یاریچنده ارادهسنیه حضرت پادشاهییه اقتران ایتمشدر .

**

حکومه عائد مبانیک انشا و تعمیری مصارفی مایه نظارتی بودجه سنه داخل بولندینی حاله طشره دواتر و محاکم عدلیه سنه تخصیص ایدلمش اولان بعض مبانئ امیریته نك محتاج اولدینی تعمیراتك ویا بعض اقسامه نجه لازم کلان تعدیلاتك ایفاسی ضمننده محللرنجه علی الاصول یابیلان کشفنامه لرك لفیله مقتضی تخصیصاتك اعطاسی ایچون نظارته مراجعت ایدلمکده در . مبانئ امیریته انشآت و تعمیرات مصرفك مایه نظارتی موازنه سنه داخل اولسی اعتباریه مبانئ مذکوره انشا و تعمیریته متعلق کشفنامه لرك علی الاصول مأمورین ملکیه جه تنظیمیه مایه نظارت جلیله سنه ارسالی ایجاب ایدر . بناءً علیه محاکمه و دواتر عدلیه به تخصیص اولنان ابنیه امیریته نك تعمیریته لزوم کورلدکده کیفیتك نالكشف نظارت مشارالیه ایه ازباری ایچون مأمورین عدلیه طرفندن محلاری مأمورین ملکیه سنه مراجعت اولنسی و مأمورین ملکیه جه اوراق کشفیه نك اوصورتله نظارت مشارالیه ارسالنده نظارتجه ده تعقیب ایتدیرمك اوز . معلومات اعطاسی محاسبه مدیریتی افاده سیله تعمیماً تبلیغ اولنور .

* *

برجنایت ماده سندن دولای موقوف اولوب عندالحا که اکتساب برائت ایدن شخصك دیگر برجنجه ماده سندن ناشی کسب قطعیت ایتش و در دست اجرا بولنش اولان برجنجه اعلامیه محکوم اولدینی حبس جزاسنك مدت موقوفیته محسوب ایدیلوب ایدلیه جکی بعض محللردن استیذان اولنسنه بناءً لدی الحواله انجمن عدلیه دن تنظیم و اعطا قلنان ۹ شباط ۱۳۳۱ تاریخی مذکوره هر ایکی جرمتك هنوز تحقیقات و محاکماتی جریان ایتکده بولندینی صروده واقع اولان موقوفیت جرمتك برندن منع محاکمه ویا برائت حالنده دیگر جرمدن اولان محکومیه محسوب ایدلمك طبیعی اولدینی کبی حد اعظم مجازاتك حکمنی استلزام ایدن حرائم متعدده دخی بر جرمدن دولای واقع اولان موقوفیت مدتك مجازات محکومیه محسوب ایدلیه جکی درکار بولندینی و مقدما ایقاع ایتدیکی جرمدن دولای صورت قطعیه ده محکوم اولان بر شخصه دیگر بر فعل اسناد ایدلیکی و بوفعلدن دولای مستتظقلکجه حقنده توقیف قراری ویرلدیکی تقدیرده اول امرده محکومیت جزایه اعلامی انفاذ ایدلمك و مستتظقلکجه ویریلان توقیف مذکوره سی تحقیقاتك ختامندن اول مدت محکومیت ختام بولندینی تقدیرده سلامت جریان تحقیقاتی خللدار ایتهمك اوزره محکوم علیه موقوف طو تلسندن عبارت اولمق لازم کلیر ایکن مأمورین عائد سنك خطاسیله جزا اعلامی بوضورتله موقع اجرا به وضع ایدلیه جک اولور ایسه خطای واقعدن محکوم علیه متضرر اولسی جواز قانونی به مقارن اوله میه جغه بناءً بو نوع احوالده توقیف مذکوره سیله دوام ایدن موقوفیتك امور جزایه مدیریتك مطالعه سی وجهله مدت جزایه محکومیه محسوبی موافق عدل و قانون اوله جفی افاده ایدلمش اولغله تعمیماً تبلیغ اولنور .

* *

استدعا نامه لرنه ضرر و زیان طلب ایتدکریته دائر صراحب اولمایان بعض اشخاصك ده مدعی شخصی

صفقی اکتساب ایتش اولدقاری مطالعه سیله کندیلرینه مستتظقلر طرفندن منع محاکمه مقررانتك تبلیغ ایدلمکده بولندینی تدقیق اولنان بعض اوراق حکمیه مندرجاتندن اکتلا شلمسنه و جرمدن متضرر اولان اشخاصك مدعی شخصی و مشتکی اولمق اوزره ایکی قسمه تقریفی مشکیلرک شکایت واقع لرندن نتیجه برمسؤولیت تحمل ایتاملری و بالعکس دعوای شخصی اقامه سیله مدعی شخصی صفقی اکتساب ایدن اشخاصك مصارف محاکمه ایه و مظنون علیه طلب ایده جکی ضرر و زیان ایه مسئول طوتیه بیلملری کبی نتیجه محاکمه اعتباریه قبول و درعه ده ایتدکری کلفتك مساوی اولماسی اساسه مستند و مشکیلرک شکایت واقع سی مفدوریتلرینی اخبار ماهیتنده اولوب کندیلرینه تعقیب دعوی و طرق قانونیه به مراجعت صلاحیتی بخش ایتدیکی حاله حقوق شخصی ده دعواسنك اقامه سی کرک تعقیب دعوی و کرک طرق قانونیه به مراجعت ایچون مدعی شخصی به صلاحیت مخصوصه بخش ایلسی و بناءً علیه مستتظقلر ایه محکمه لرجه اتخا ذ اولنان بعض مقررانتك بوقیل مدعی شخصیلره تبلیغك قانوناً تحت مجبوریتده طو تلسی مشکیلر ایه مدعی شخصیلرک اختیار و تحمل ایتدکری کلفتك عینی درجه ده بولنماسندن متولد اولسنه کوره استدعا نامه ایه مراجعت ایدن مر مشکینك مدعی شخصی عدلیه منع محاکمه قرارلرنك کندیلرینه تبلیغ ایدلمسی شو اساساته و مقصد قانونه منافی اوله جغه دائر امور جزایه مدیریتندن سرد اولنان مطالعه نك مصیب و موافق قانون کورلدیکی انجمن عدلیه نك ۱ شباط ۱۳۳۱ تاریخی مذکوره سنده بیان و افاده ایدلمش اولغله احوال مماثلده احکام و ایجابات قانونیه به تمامیه توفیق معامله اولنسی تعمیماً تبلیغ ایدیلور .

محکمہ نمبر ۱۱

محکمہ نمبر ۱۱ هیئت عمومی

محکمہ نمبر ۱۱ هیئت عمومی سنده صادر اولوب ۱۱ شباط ۱۳۳۱ تاریخنده قراره ربط اولنانه اعلامی صورتیر :

« ترکه و وصیت دعوارینك مرجع رؤیتی محاکم عادیه اولدینی حقنده کی اصوله براسنک تشکیل ایدرک روم بطریقخانه سی مجلس مختلطك بودعوالری رؤیت ایده بیللمسی اوکا خاص بر امتیاز اولوب مواقع سائره بطریقخانه لری بویه بر امتیاز نائل دکلدن . »

جبل لبنان سنجاغنه مضاف الشریفات قصبه سنده مقیمون جر جیس کورانی اوغللری نجیب و حمید ایه نجیب منصور کورانی بیننده متکون دعوا به دائر جبل لبنان استیناف محکمه سندن ۶ مایس ۱۳۳۱ تاریخی و سکر عددی ایه ویریلوب مرقومان نجیب و حمید طرفلرندن تمیزاً تدقیق استدعا قلنان اعلام حکمنك باش مدعی

عمومیلک مأموریت علیه سنک مطالعه نامه سی آلهرق بالتدقیق قرار سابق منقوضه ثبات واصراری حاوی اولدینی اتفاق آرا ایلله قرار کیر اولدقدن صکره اعلام مذکور اوراق متفرعه سیله برلشدیر یله رک هیئت عمومیجه بالمطالعه تکرار تدقیقات تمیزیه اجراسنه ابتدار قلندی .

اعلام مذکور مندرجاتنه کوره : مرقومان نجیب وحید باعریضاح شوف بدایت محکمه سنه مراجعته عموجلری الیاس عیس الکورانینک وقوع وفاتیلله اموال متروکه سنندن کندولریله برادرلرینه انتقال ایش اولان حصهلردن درت سهم مرقوم نجیبک فضولی وقوعبولان مداخله سنک منعی طلب ودعوی ومدعی علیه دخی ترکه مدعا بها روم اورتودوقس مطرانخاسنده مسجل برقطعه صک موجبجه متوفای مرقوم طرفندن کندوسنه وصیت ایدلیدیکی جهته بومثللو دعاوینک رؤیتی مجلس ملی یه عائد ومحاکم نظامیه نک وظیفه سنندن خارج بولدیغندن دعاوی واقعه نک ردی لازم کله چکنی بیان وادعا ایللری اوزرینه محکمه جه مدعی عمومی حضوریه اجرا قلنان محاکمه وتدقیقات نتیجه سننده دعاوی مذکور نک رؤیتی وظیفه خارجنده بولدیینی بیانیه ردینه دائر بدایه ویریلوب استینافاً کذلک مدعی عمومی حضوریه تصدیقه قرار ویریلان اعلامک عندالتمیز بالتدقیق زیرده کوستریله چک اسبابه بناء نقض واعاده اولنسی اوزرینه محکمه استینافیه جه حکم سابق منقوضه اصراره قرار ویرلیدیکی اکلشلمشدر .

مستدعی تمیزلرک اشبو حکم عاینده لایحه لرنده محرر اعتراضلرینک خلاصه سی : عندالتمیز اعلام استینافینک نقضی یولنده کوستریلان اسباب موافق قانون ولایم الاتباع ایکن محکمه استینافیه جه برمنوال محرر اصراره قرار ویرلسی مغایر قانون اولدیغندن بخله اعلامک نقضی طلب واستدعاسندن واتفالیان مطالعه نامه مالی ایسه لایحه تمیزیده سرد اولنان اعتراضک ورد ورجا کورلیدیکی بیانندن عبارت بولنشدر . ایجابی لدی المذاکره خرسیتان ترکه ووصیتلری حقنده ۷ صفر ۱۲۷۸ تاریخنده تسطیر اولنان تذکره سامیه مندرجاتندن مستفاد اولدیغنه کوره بومثللو وصیت دعوالرینک مرجع رؤیتی محاکم عادیه در کرچه استانیول روم بطریقکی نظامنامه سی اقتضاسنجه دعاوی مذکور نک رؤیتی بطریقخانه مجلس مختلطنک جله وظاقتندن ایسه ده بوخصوص استانیول روم بطریقکلکنه مخصوص برامتیاز اولوب انطاکیه وسائر روم بطریقکلرینک بویه برامتیازه نائل اولدقلرینه دائر بقانون موجود اولمادیینی جهته بادی تمیز اولان دعوانک دخی جبل لبنان محاکم نظامیه سننده رؤیتی اقتضاییتدیکی حالد استیناف محکمه سنجه شوف بدایت محکمه سی طرفندن دعاوی واقعه نک رؤیتی وظیفه خارجنده بولدیغنه دائر صادر اولان اعلامک تصدیقه قرار ویرلسی مخالف قانون اولدیغندن بخله اعلام استینافینک نقضی حقنده اتخاذ اولنان قرار لازم الاتباع ایکن قرار سابق منقوضه ثبات واصراره قرار ویرلسی مغایر قانون اولدیغندن اصول محاکمه سی حقوقیه قانوننک ایکوز اوتوز ایکسجی ماده سی موجبجه اعلام مذکورک تقضیه قانون مزبورک ایکوز قرق طقوزنجی ماده سی حکمنه توفیقاً کیفیتک بروجه مشروح اعلامه ربطی ضمنند محکمه مذکوریه اعاده سنه

وزیرده مفردات ومعطیسی محرر ایکوز سکسان برغروش مصارف تمیزیه نک ایلرده حقسنز چیه حق طرفه عائد اولسنه ۱۱ شباط ۳۳۱ تاریخنده هیئت عمومیجه اتفاق آرا ایلله قرار ویرلیدی .

ملکله تمیزی هیئت عمومی سننده صادر اولوب ۱۱ شباط ۳۳۱ تاریخنده قراره ربط اولنان اعلام صورته ییر :

« فعل مدعا بهک تاریخ وقوعی اعتباریه حقوق عمومی جهتی تابع تعقیبات اولماسنه

« نظراً مدعی نک حقوق شخصی سنندن دولای حقوق محکمه سنه مراجعتی لازمدر . »

کوتاهی سنجانغی استیناف محکمه سی جزا دائره سنندن تنظیم واعطا ومحلی اورمان اداره سی طرفندن مدت قانونیه سی طرفنده تمیزاً تدقیقی استدعا اولنان ۱۷ تشرین ثانی ۳۳۱ تاریخلی اعلام واوراق متفرعه سی باش مدعی عمومیلک مأموریت علیه سنندن باتبلیغنامه محکمه تمیز هیئت عمومی سنه تودیع اولغله لدی المطالعه اعلام مذکورک اصراری متضمن اولدیینی بالاتفاق تحت قراره الذقدن صکره اساس ماده حقنده تدقیقات تمیزیه اجراسنه ابتدار اولدی . اعلام مذکورک خلاصه مالی عشاقده موجود فابریقه بویخانه وسائر تجارتخانه لره شندوفر واسطه سیله نقل ایدیلن خطبلردن پول رسمی ایلله تجهیزات آلمایه رق حقوق خزینیه یی اضرار ایلدیکی ادعا اولنان اورمان مأمور سابق توفیق افندینک پول رسمنک عدم استیفاسندن عدم مسئولیتنه تجهیزات عسکریه ترتیبی اولان درتیوز طقسان طقوزغروش اوتوز پاره نک تحصیلنه دائر بدایه لاحق اولان حکمک عندالاستیناف فسخیله سبق ایدن محاکمه نتیجه سننده شندوفرله سالف الذکر تجارتخانه لره نقل وصرف ایدلمکده اولان خطبلردن اورمان نظامنامه سنک اوجنجی ویدنجی ماده لری موجبجه بهر کیلوسی برر پاره اعتبار ایدیلرک اکا کوره رسم آلمسی وبوقیل تجارتخانه لره نقل اولنان خطبلرک خارجه سوق اولمادیینی ایچون پول رسمی استیفا اولنماسی مجلس اداره جه ویریلن قرار اقتضاسندن اولسنه وایخیراً صورت عمومی ده تبلیغ قلنان امرنامه اوزرینه مومی الیه توفیق افندینک اول تاریخندن اعتباراً پول رسمی استیفا ایلدیکی وشو حالده مجلس اداره قضایک قراری امرنامه تاریخنه قدر اثره مرعیتده بولدییرلدیغنه وانحق تجهیزات عسکریه ترتیبندن نا تحصیل قالان درتیوز طقسان طقوزغروش اوتوز پاره نک عدم تحصیل حقنده برکونا تبلیغات ومجلس اداره جه ویریلن قرارده صراحت اولمادیینی حالده تبلیغ مزبور مظلون علیه توفیق افندینک قیدسرانی اثری اوله رق تحصیل ایدلمکده منعی مذکور درتیوز طقسان طقوز غروش اوتوز پاره نک مومی الیه کیفلندن تحصیل و نقل ایدلیدیکی بیان اولنان خطبلردن اخذی لازم کلوب نا تحصیل قالان سکز بیک اوجیوز یکریمی القی غروش پول رسمنک ناقلا لری معلوم ومعین اولسنه نظراً توفیق افندینک منفرداً مسئولیتی موجب احوال غیرموجود اولدیغندن بخله بوجهتدن معارضه سنک منعه دائر مقدما صادر اولان اعلام استینافینک تمیزاً نقض واعاده اولنسی اوزرینه اولبابده اجرا قلنان محاکمه وتدقیقات نتیجه سننده حکم سابقده اصراره قرار ویرلیدیکی منضمندر .

لایحه تمیزیه ایله تبلیغنامه ده نقض واقع دائره سنده ایفای معامله اولنق لازم کلورکن حکم سابقه اصرار اولنسی مغایر قانون ایدوکندن بختله اعلام اخیر استینافینک دخی نقضی استدعا و طلب ایدلمشدر.

ایجاب کیفیت لدی المذاکره فعل مدعایک تاریخ وقوعی اعتباریه حقوق عمومیه جهتی تابع تعقیبات اولماسنه نظراً مدعی اورمان اداره سنک حقوق شخصیه سندن طولانی حقوق محکمه سنه مراجعتی لزومی درکار بولنش ایکن استیناف محکمه سنجه شولزوم قانونیه مراعاة اولنق سزین دعوی واقعه نک بروجه محرر رؤیت و حکمه ربط ایدلمش اولسی مخالف اصول و قانون اولوب لایحه تمیزیه مندرجات بوطریق ایله وارد و بجا کورلدیکندن اصول محاکمات جزایه قانوننک اوچوز قرق النجی ماده سی موجبجه اعلام اخیر مذکورک وظیفه نقطه سندن تقضه وایکیوز غروش اعلام خرجنک ایلروده حق سز جیه جق طرفدن اخذینه ۱۱ شباط سنه ۳۳۱ تاریخنده اکثریت آرا ایله قرار ویرلدی .

محکمہ تمیز استدعا دائره سزین

محکمہ تمیز استدعا دائره سزین صادر اولوب ۳ ثانویه اول ۳۳۰ تاریخنده قراره ربط اولنامه اعلام صور سزین:

« مطبوعات قانوننک ماده مخصوصه سنده کی مرور زمان ، قانون مذکور احکامنه مغایر اولارق ایقاع ایدیلن جرائم دعوارینک طرز اقامه سنه انحصار ایدوب تعقیبات و محاکمات ایچون کچن مدتدن دولای مرور زمان مسأله سنک تدقیق امرنده قوانین عمومیه احکامی جریان ایدر »

جانیك سنجانی استیناف محکمه سی جزا دائره سندن دادر اولان ۲۰ مایس ۳۳۱ تاریخ والی برنومرولی اعلامک تمیزینی مستدعی محکمه مذکور مدعی عمومیلکی طرفدن ویریلن استدعایه و متفرعاتی باش مدعی عمومیلک مأموریت علیه سندن با تبلیغنامه محکمه تمیز استدعا دائره سنه تودیع اولنقله لدی التدقیق مذکور استدعایه مدت قانونیه سی ظرفنده اعطا قلندینی اکلشلمش ایدوکندن بالقبول تدقیقات تمیزیه اجراسنه ابتدار اولندی .

اعلام مذکورک خلاصه مالی اماسیه محاسبه جیسی صبری بك ایله باشکاتب عثمان افندی بی مدیر مسئول و محرری بولندینی مدعی عمومی غزته سنده کی نشریاتیه ذم و تحقیر ایلدیکی ادعا اولنان دعوی وکیل قارصلی شکری افندینک تحدید جزاسنه دائر بدایه لاحق اولان حکمک تصدیقی حاوی تنظیم واعطا قلنان اعلام غیبانی استینافی علیهنده محکوم مومی ایله شکری افندی جانبندن اعطا قلنان اعتراض علی الحکم استدعایه سی اوزرینه اولبایده اجرا قلنان محاکمه و تدقیقات وجاهیه نتیجه سنده اوراقلک محکمه استینافه تودیعی تاریخیه اولبایده کی جلبنامه نک تاریخ تبلیغنه و اعلام غیبانی استینافینک تاریخ اعطاسیله اعلام مذکورک

نیلنی تاریخنه نظراً بلا تعقیبات مرور ایدن مدتک مطبوعات نظامنامه سنک اوتوز ایکنجی ماده سنده محرر مرور زمان حدینه بالغ اولدیغندن بختله مومی ایله شکری افندی حقنده کی حقوق عمومیه دعواسنک سقوطنه قرار ویرلدیکنی متضمندر .

تمیز استدعایه سنده مطبوعات قانوننک اوتوز ایکنجی ماده سنده کوستریلن مرور زمانک اقامه دعویه مخصوص اولوب دعوی اقامه ایدلدکن صکره اراده کچن فاصله نک نوع جرمه مخصوص عادی مرور زمانه تابع اولدینی حالده مذکور اوتوز ایکنجی ماده حکمنه توفیقاً اعطای قرار اولنسی مغایر قانون ایدوکندن بختله اعلام استینافینک نقضی استدعا اولنش و تبلیغنامه ده دخی مذکور لایحه ده محرر اعتراض وارد و نقض حکمی مستلزم ایدوکی بیان اولنشدر . ایجاب کیفیت لدی المذاکره محکمه استینافیه جه مابه التطبيق اتخاذ اولنان مطبوعات قانوننک اوتوز ایکنجی ماده سنده کوستریلن مرور زمان قانون مذکور احکامنه مخالف مواد جرمیه متعلق دعوا سنک کیفیت اقامه سی خصوصنه معطوف و منحصر اولوب ماده مبحث عناده معین مدت ظرفنده اقامه ایدلمش اولان دعوا سنک اثنای تعقیبات و محاکمات کچن مدتدن طولانی مرور زمان مسئله سنک تدقیق امرنده قوانین عمومیه احکامنک جریانی لزومی طبیعی وینشاء علیه حالات مماثلده نوع جرمه نظراً مرور زمان مسئله سنک شوقاعدهیه توفیقاً تدقیق لزومی بدیهی بولنش ایکن سقوط دعویه سبب اتخاذ قلنان مرور زمان مسئله سنک شو تدقیقات نتیجه سنه استنادی لزومندن بالذلول بروجه محرر قرار اعطاسی یولسز و مغایر قانون اولنقله اصول محاکمات جزایه قانوننک اوچوز اون دردنجی و اوچوز اون طقوزنجی ماده لری منطوقنجه اعلام تمیز بهک تقضه وایکیوز غروش اعلام خرجنک بالاخره ایجاب ایدن طرفدن اخذیه ۳ کانون اول ۳۳۱ تاریخنده متفقاً قرار ویرلدی .

محکمہ تمیز استدعا دائره سزین صادر اولوب ۱۶ ثانویه ثانی ۳۳۱ تاریخنده قراره ربط اولنامه اعلام صور سزین:

« اون اوچ یاشنی اکمال اتمه یئرلرک ارتکاب اشدکری جرم لردن عدم مسئولیت لری و حق لرنده کی معامله قانونیه نک جنجه عاکمنده جریانی صراحت قانونیه ایجابی در. »

توقاد سنجانی بدایت محکمه سی جزا دائره سندن استینافاً صادر اولان ۱۷ ایلول ۳۳۱ تاریخ والتش ایکی نومرولی اعلامک تمیزینی مستدعی محکمه مذکور مدعی عمومیلکی طرفدن ویریلن استدعایه واوراق متفرعه سی باش مدعی عمومیلک مأموریت علیه سندن با تبلیغنامه محکمه تمیز استدعا دائره سنه تودیع اولنقله لدی التدقیق مذکور استدعایه مدت قانونیه سی ظرفنده ویرلدیکی اکلشلدیغندن بالقبول تدقیقات تمیزیه اجراسنه ابتدار اولندی .

اعلام مذکورک خلاصه مالی چناق اوغلی عمرک کیفیت قلندن طولانی مظنون علیه اولان حمزه اوغلی

بكرك اون اوج ياشنى اكال اتميش اولمى حسييله ولسنه تسليمه دائر بديا للاحق اولان حاكمك عندالاستيناف سبق ايدن محا كه نتيجه سنده مرقومك سنك تدقيق ايدلمه مسندن وماهيت مسئله اعتباريله كيفيت رؤيتى جنايت محكمه سنده عائد اولديغندن و صباوتك مرجع محا كه مي تدبيل ايدمه چكندن بمحله حكم مذكورك قسحيله طرق قانونيه دائره سنده ايفاي معامله اولنق اوزره اوراق مدعى عموميله اعاذه سنده قرار و يرليكنى متضمندر لايحه تميزيه ده محكمه استينافيه جه حكم ابتدائيك فسحى حالنده نواقص واقعك بالا كمال تحقق ايدمك حاله كوره كيفيتك قراره ربطى لازم كلوركن ذهولا برموال مشروح اعطاي قرار اولنمى مغاير قانون ايدوكندن بمحله اعلام استينافيك نقضى استدعا اولمش وتبليغنامه ده دخى مرقوم بكرك حسب السن ولسنه تسليمى متضمن حكم ابتدائى عليه سن نقطه سندن واقع اولان استيناف اوزرينه دعوانك جنايت اصول محا كه سنده توفيقاً تعقيب وتحقيق واولابده لازم كلن مراسم قانونيه نك ايفاسى خصوصلرينه قرار اعطا قلمسى تدقيقات استينافيه نتيجه سنده مظلون عليهك سنى سالف الذكر ماده قانونيه ده محرر حددن افزون بولنديغك تين ايمسنة متوقف وبوبابده منحصرأ فعلك ماهيت جنايه يي حائر اولمى حسييله تعيين مرجع ايجون سبب اوله مايه جنى بديهي ايكن محكمه مذ كوره جه قرقنجى ماده قائمه نك فقره اولاسى صراحت قطعيه سى نظر دفته آلتقمسرين بروجّه بالا قرار اتخا ذى قانونه مخالف بولمش اولمغه مذ كور اعلامك نقضى طلب ايدلمشدر .

ايجاب كيفيت لى المذاكره حين ايقاع جرمه اون اوج ياشنى اكال اتمانلرك ارتكاب ايتدكلرى جرمدن عدم مسئوليتلى وحقرنده لازم كلن معامله قانونيه نك جنجه محا كنده جريانى قرقنجى ماده قانونيه نك فقره اولاسى صراحتى ايجانندن اولسنة نظراً عمر ك كيفيت قلندن طولاي مظلون بكرك حسب السن ولسنه تسليمه متدائر حكم ابتدائى عليه مرقومك على الاصول سنك تدقيق لزومندن ذهول ايدلمسك مغايرت قانونيه سندن بمحله اقامه ايدلن استيناف دعواسى اوزرينه اجرا سنده ابتدار اولنان تدقيقات ائناسنده مظلون مزبورك درجه سنى على الاصول تدقيق وتحقيق وشو تدقيقات نتيجه سنده مرقومك سنك ماده مذ كوره ده معين درجه دن افزون اولديغك ثبوت وتحقق حالنده معاملات متعاقبه قانونيه نك اجراسى وعكس تقديرده استيناف محكمه سنك بوبابده كى صلاحيته نظراً دعوانك درجه ثانيه ده تدقيق وحكمه ربطى لازم كلوركن محكمه استينافيه جه صورت مشروحه يه توفيق معامله اولمايويده بروجّه محرر قرار اعطاسى بولسز ومغاير اصول وقانون اولمغه اصول محا كات جزائيه قانوننك اوجيوز اون دردنجى واوجيوز اون طقوزنجى ماده لرى منطوقجه اعلام ميز يهك نقصنه وايكوز غروش اعلام خرجك بالا خره ايجاب ايدن طرفدن اخذيه ۱۶ كانون ثانى ۳۳۱ تاريخنده متفقاً قرار ويرلدى .

فكره تميز استند عا د ا ر ه س ن د ر ه ص ا د ر ا و ل و ب ۱۳ ش با ط ۳۳۱ تاريخنده قراره ربط اولنان اعلام صورتيير :

« جنجه دعوالرىي رؤيته مكلف اولان محا كك مستنطقه حواله تحقيقات ايدم بيلملرنده كى صلاحيت ماده مدعا بهانك مجازات ترهيبه يي استلزام ايدر افعالن اولسنة منحصردر . »

جانبك سنجاني هيئت اتهاميه سيله استنطاق دائره سندن صادر اولان قرارلرك يكديكرينه مباينستندن ناشى تعيين مرجع دعوى طلبى حاوى لواء مذ كور مدعى عمومى معاونلكى طرفدن ويريلن استدعائيه ومتفرعاتى باش مدعى عموميك مأموريت عليه سندن بتبليغنامه محكمه تميز استدعا دائره سنده توديع اولمغه قرائت اولندى . اوراق موجوده مأللرينه نظراً بكر اوغلى ابراهيمك كوپكى تلف ومرقومه قتل قصديه روولور تشهير ايلديكى ادعا اولنان على اوغلى عليك جنجه ايله لزوم محا كه سنده و عليك بالمقابله اقامه ايلديكى دعوانك دردست رؤيت بولندينى صلح محكمه سنده توحيداً اجراى محا كه سنده دائر مذ كور مستنطقلقدن ويريلن قوارنامه اوزرينه صلح محكمه سنجه دخى ماهيت جرم حقنده برقرار اتخا ذ ايدلمه مش اولمسندن ناشى دعوانك رؤيتى وظيفه سى خارجنده اولديغه قرار ويرلمش و ذكر اولنان مستنطقلقدن دخى جرمك صلح محكمه سنجه حل ايديلهك جنجه موادندن بولمغه اولوجهله اجراى محا كه سنده دائر اعطا نلمان قرارنامه نك هيئت اتهاميه جه بالفسخ اوراقك مستنطقلغه توديعنه دائر ويريلن قرار اوزرينه مذ كور مستنطقلقدن دخى مقررات استنطاقيه نك فسحى حالنده معاملات لازمه نك ايفاسى هيئت اتهاميه نك وظيفه سى جمله سندن بولندينى تحت قراره آلتمش اولمسندن ناشى مقررات مذ كوره بيننده شو وجهله حاصل اولان اختلافك حلى استدعا اولمش وتبليغنامه ده دخى مظلون مرقومك حركت واقع سنده شائبه جنايت كوريله مديكى كى اساس ماده حقنده ده مستنطقلقدن مدعى عمومينك مطالعه سى التدقن صكره كيفيت قرار قانونيه يه ربط ايدلمش اولسنة مبنى صلح محكمه سيله هيئت اتهاميه جه متخذ قرارلرك رفعى واوراقك اكال محا كه صمئنده صلح محكمه سنده توديعى صورتيله تعيين مرجع دعوى اولنمى طلب ايدلمشدر .

ايجاب كيفيت لى المذاكره اصول محا كات جزائيه قانوننك تيمش يدنجى ماده سنده محرر اولدينى اوزره جنجه متعلق اولان دعاوى يي رؤيت وظيفه سيله مكلف بولنان محا كك مستنطقه حواله تحقيقات ايمى امرنده كى صلاحيت قانونيه سى دعوى اولنان ماده نك مجازات ترهيبه يي استلزام ايدر افعالن ايدوكنك تحققة منحصر بر معامله استثنائيه اولوب اصول محا كات مذ كوره نك يوز التمش التنجى ماده سى منطوقجه محا كم مذ كوره نك طوغريدن طوغرى يه وقوعبولان مراجعت اوزرينه ده رؤيت دعوايه مأذون اولسنة نظراً محكمه صاحبه جه دعواى حاضر نك رؤيت وتدقيقه مسارعتله ايشده شائبه جنايت كورليديكى تقديرده سالف البيان يوز تيمش يدنجى ماده قانونيه يه توفيقاً ايفاي معامله اولنق مقتضى بولمسنة مبنى غير مصيب كوريلن

محکمه صالحیه و هیئت اتهامیه تراد لرینک رفعیه صورت مشروحه دائره سنده ایفای معامله اولفق اوزره اوراق متعلقه نك محکمه مذ کوره یه تودیعی ضمننده محله اعاده سنه ۱۳ شباط ۳۳۱ تاریخنده متفقاً قرار ویرلدی .

محکمه تمیز جزا دائره سی مقرراتی

محکمه تمیز جزا دائره سنده صادر اولاره ۲۸ شباط ۳۳۱ تاریخ ۴۹۰۳ نومرولی اعلام صورنیر :

« تفهیمی فردایه تعلیق اولنان قرار مجرمیت زیرینک هیئت حاکمه طرفندن امضا
ایدله مش اولسی مخالف قانوندر »

بغداد ولایتی استیناف محکمه سی جزا دائره سندن صادر اولان ۲۵ صفر سنه ۳۳۴ و ۲۰ کانون اول سنه ۳۳۱ تاریخلی و یتش الی نومرولی اعلام ایله اوراق متفرعه سی باش مدعی عمومیک مأموریت علیه سندن ۳۰ ربیع الآخر سنه ۳۳۲ و ۲۱ شباط سنه ۳۳۱ تاریخلی درت بیک درتیوز فرق یدی نومرولی تبلیغنامه ایله ۲۳ شباط سنه ۳۳۱ تاریخنده محکمه تمیز جزا دائره سنه اعطا قلمشدر .

اعلام مذ کورک خلاصه مالی اوچیوز یکر می طقوز سنه سی اغستوسنک اون ایکسجی کونی سامرا قضاسنک امام دور قریه سی اهالی سندن طراح جاسم بن محمد الحلفی قتل ایلدک لری ادعا قلمسندن دولای جنایتله اتهام اولنان جیورع شیرتندن کطونام دیکر زیدان بن مصطفی و فرادی عیسی بن ظاهر و عبده بن عامود و سالم بن غالب و ابراهیم بن مدفعک و جاهاً و غیاباً اجرا قلنان محاکم لری نتیجه سنده مهمون مرقوموندن زیدان و عیسی و ابراهیم و سالمک مهوراً و فاعل مستقلی تعین ایدمه جک صورته مشترکاً فعل قل مذ کوره جرأتلری ثابت اولدیغندن مجرمیتلرینه و قانون جزانک بوز یتش دردنجی و یوز سکسانجی ماده لرینه توفیقاً مستحق اولدقلری اون بش سنه کورک جزاسنک نصفی بالتزیل یدیشر بحق سنه مدته کورکه قونلرینه و عبد اللهک برائته ۱۵ تشرین اول سنه ۳۳۱ تاریخنده حکم اولندیغندن عبارتدر .

تبلیغنامه ده دخی صورت جریان محاکمه سیله قانونه تطبیق حقنده اعتراضه محل کوریه مدیکی بیانیله اعلام مذ کورک تصدیق طاب اولمشدر .

اوراق دعوی بعد المصالعه حکم جناز و جاهیدن دولای تدقیقات تمیزیه اجرا اولندقد هرنه قدر تبلیغنامه اعلام مذ کورک تصدیق طلب اولنیور ایسه ده وقعه قتل مشاهده مستند اوله رق حکایه ایدن شهوددن امین بن محمود الخمیس و حسین بن ملا علی و احمد بن حسن الخطیبک افاداتی حاضر بالحاکمه مهم زیدانک مباشر قتل اولمادیغنی متضمن اولسنه و بخورقادرین ایله ناصر بن حسین قاتل مستقلک مهم مرقوم زیدان ایدوکنی رؤیه مستنداً صورت قطعی ده اخبار ایلش اولملرینه نظراً هر حاله تعمیقات و تدقیقات مقتضیه نك ایفاسیله

تین ایدمه جک حاله کوره اعطای حکم اولنسی لازم کلورکن شهوددن برینک وفاتی و برقسمنک سفر برک مناسبیه تحت سلاحده و برطاقنک ده ژاندارمه سلکنده بولملرندن ناشی مواجهه لری متعسر اولدیغندن و مهم حاضر زیدانک بعضی شهود طرفندن خبر ویریلان متباین اقرارلرندن بختله فراری مهملره برلکده مهم مرقومک فاعل مستقلی متعین اولماق اوزره اشوق قتل مشترکاً ایقاع ایلش اولق اوزره تجریم و جزاسنک اولصورتله تحدید ایدلسی و اوراق میاننده کی ضبطنامه صورته نظراً ۱۴ تشرین اول سنه ۳۳۱ تاریخنده اتخاذ اولنان و تفهیمی فردایه تعلیق ایدیلان قرار مجرمیت زیرینک هیئت حاکمه طرفندن امضا ایدلماش اولسی ده مخالف قانون اولدیغندن حکم مذ کورک اصول محاکمات جزائییه قانوننک اوچیوز اون دردنجی ماده سنه توفیقاً نقضه و احکام قانونیه دائره سنده ایفای معامله اولفق اوزره اوراقنک محانه اعاده سنه و اکیوز غروش اعلام خرچنک ایلروده حق سز چیه حق طرفندن تحصیلنه ۲۴ شباط سنه ۳۳۱ تاریخنده متفقاً قرار ویرلدی .

محکمه تمیز جزا دائره سنده صادر اولاره ۲۸ شباط ۳۳۱ تاریخ ۴۹۱۸ نومرولی اعلام صورنیر :

« حکملری مصدق بولنان اشخاصک موقع جرالرندن فراری حالنده مجازات منضمه حکمی ایچون هیئت
اتهامیه دن اتهام قراری استحصالنه لزوم یوقدر . »

کوتاهیه سنجای استیناف محکمه سی جزا دائره سندن صادر اولان ۲۸ کانون ثانی سنه ۳۳۱ تاریخلی و یوز الی اوچ نومرولی اعلام ایله اوراق متفرعه سی باش مدعی عمومیک مأموریت علیه سنک ۲۷ ربیع الآخر سنه ۳۳۴ و ۱۸ شباط سنه ۳۳۱ تاریخلی و درتیک اوچ یوز سکسان طقوز نومرولی تبلیغنامه سیله ۲۰ شباط سنه ۳۳۱ تاریخنده محکمه تمیز جزا دائره سنه تودیعی قلمشدر .

اعلام مذ کورک خلاصه مالی درت سنه کورک جزاسنه محکوماً محبوس ایکن موقع جزاسندن فرار ایلدیکی ادعا قلمسندن دولای جنایتله اتهام اولنان واشبو فرار جرمندن طولانی غیاباً محکوم اولدینی حاله دردست ایدیلان کدوسک یکیکجه قریه سندن موصلی اوغلی اسماعیل بن خلیلک اجرا قلنان محاکمه سی نتیجه سنده مهم مرقومک محکومیت مذ کوره سی تمیزاً مصدق اولدینی حاله خدمت نافع ایچون چیقارلدینی محلدن فرار ایلدیکی ثابت اولغله قانون جزانک یدنجی ماده سنه توفیقاً اصل مدت جزائییه سی اولان درت سنه نك ثلثی اولان اون الی ماهک مدت بقیه جزائییه سنه ضمنه ۲۱ کانون ثانی سنه ۳۳۱ تاریخنده حکم اولندیغندن عبارتدر .

ذکر اولنان تبلیغنامه ده دخی صورت جریان محاکمه سیله قانونه تطبیق حقنده اعتراضه محل کوریه مدیکی بیانیله مذ کور اعلامک تصدیق طلب اولمشدر .

اوراق دعوانک مطالعه سندن صوکره تدقیقات تمیزیه اجرا اولندقد حکملری مصدق بولنان اشخاصک موقع جرالرندن فراری حالنده مجازات منضمه حکمی ایچون هیئت اتهامیه دن اتهام قراری استحصالنه لزوم

قانونی اولدینی واخذ و گرفت اولمازدن مقدم حقلرنده فراردن طولانی غیاباً مجازات منضمه حکمنه دخی محل بولندی حلاله محکوم اسماعیل حقنده جنایتله اتهام قرار دی استحصال اولنسی و غیاباً جزای منضمه حکم ایدلسی یولسز اولدینی کی مرقوم اخذ و گرفت اولنسی اوزرینه اصول محاکمات جزائییه قانوننک درتیوز اوننجی و درتیوز اون برنجی ماده لرینه تطبیقاً تدقیق هوی اقتضا ایدرایکن مرقومک هوی حقنده دخی مواد مذکوره موجبجه تحقیقات اجرا قلنامش و مرقومک شوسده ضابطه نك نظارتی آلتنده استخدام اولنوب اولندیغه دائر دخی ضبط و اعلامده برکونا قید و صراحت کوریه مامش اولدیغندن اصول محاکمات جزائییه قانوننک اوچیوز اون دردنچی ماده سنه توفیقاً اعلام مذکورک نقضنه و احکام قانونیه یه توفیق معامله اولنق اوزره اوراقلک محله اعاده سنه و ایکیوز غروش نقض خرجنک ایلروده حقسنر حقیقه جق طرفدن تحصیلنه ۲۱ شباط سنه ۳۳۱ تاریخنده متفقاً قرار ویرلدی .

حکم نمیز جزا دائره سنده صادر اولره ۲۹ شباط ۳۳۱ تاریخ ۴۹۴۳ نومرولی اعلام صور نمیز :

« اعلامات، ضبطنامه لرك محاکمات قسمی خلاصه و حکم قطعی متضمن قسمی اسباب موجب سبيله
فصیلاً حاوی اولق لازمدر »

حما سنجانی بدایت محکمه سی جزا دائره سنندن صادر اولان ۲۸ تشرین اول ۳۳۰ تاریخلی و ایکیوز یتیمش بش نومرولی اعلام ایله اوراق متفرعه سی باش مدعی عمومیلک مأموریت علیه سنندن نقض حکم طلبی حاوی ۲۹ ربیع الاخر ۳۳۴ و ۲۰ شباط ۳۳۱ تاریخلی و دردت بیک درتیوز یکریمی بش نومرولی تبلیغنامه ایله ۲۲ شباط ۳۳۱ تاریخنده محکمه تمیز جزا دائره سنه اعطا قلنمشدر .

اعلام مذکورک خلاصه مندرجاتی اوچیوز یکریمی آلتی سنه سی تشرین اولنده عبدو بن حسونی قتل ایلدکلی ادعا قلنمشندن دولای جنایتله اتهام اولنان اشخاصدن و عمرانیه قضاسنک زیته قریه سنندن اسماعیل بن حسین سمعول و احمد بن محمد الاحمد و علی بن ابراهیم الراعی و محمد بن اسماعیل حقلرنده مقدما لاحق اولان حکمک عندالتمیز بعض اسباب قانونیه دن ناشی نقض ایله اوراقلک اعاده ایدلسی اوزرینه حریان ایدن محاکمه احیره نتیجه سننده متهمون مرقومونک مرقوم عبدونک پاره سی غضب ایتک جرمنک تسهیل اجراسی ضمنند قتل مذکوره جرأتلری ثابت اولدیغندن مجرمیتلریه و قانون جزانک قرق بشنجی و یوز یتیمش دردنچی ماده لری احکامنه توفیقاً اعداملرینه ۲۶ تشرین اول ۳۳۰ تاریخنده حکم اولندیغندن عبارتدر . اوراق دعوانت معالعه سنندن مسکوره تدقیقات تمیزیه اجرا اولندقدن سالف الذکر تبلیغنامه ده دخی بیان ایدلیکی وجهله متهملردن اسماعیلک انای محاکمه ده اعطا ایلدیکی استدعاینامه ده اسامیدی اراده اولنان شهودک ضبطنامه ده محرر اسبابه بناء جلیلرندن صرف نظر اولندیغنی اعلام مذکوره کوستریلوب حالبوکه

اصولاً حکم اعلاماتی ضبطنامه نك محاکمات قسمی خلاصه و حکم قطعی متضمن قسمی اسباب موجب سبيله تفصیلاً حاوی اولق لازم کله جکنه دائر اولان صراحت قانونیه محاکمات قسمنده طرفینک اكمال تدقیقاته متعلق مطالبی حقنده کی مقررانک ضبطنامه ده محرر اولان اسباب موجب سی اعلامده خلاصه محکی قسم محاکمته تصریح ایدلمک لزومی برطرف ایتوب بالعکس او خلاصه ده اسباب موجب قرارک دخی اراده سی مقتضی بولنسنه نظراً حقوق مدافعه یه تعلق ایدن استدعای واقع اوزرینه متخذ قرار ماهیتک اسباب موجب سبيله اعلامده درج و تمیزی ایجاب ایدرکن بولزوم قانونیدن ذهول اولنسی و طیب راپورنده موتی انتاج ایدن جرعه نك تصریح ایدلامش اولسنه کوره مذکور راپوری اعطا ایدن طیبک بالجب بوجهت حقنده اخذ ایضا حات و معلومات اولنامسی و حکم سابقک نقضنه متدائر اولان اعلام تمیزیده بسط و اتیان اولدینی وجهله متهملردن هر برینک فعل قتلده صورت و درجه اشتراکلی تعیین وجهله سک هم فعل اولق اوزره تجریملرنده استناد ایدیلن ادله ثبوتیه و اسباب قانونیه نك یکان یکان ایضاح و تفصیل ایدلامسی مغایر قانون و نقض حکمی مستلزم بولنش اولدیغندن اصول محاکمات جزائییه قانوننک اوچیوز اون دردنچی ماده سنه توفیقاً اعلام اخیر مذکورک دخی اسباب مسرووده دن دولای نقضنه و احکام قانونیه دائره سننده ایفای معامله اولنق اوزره اوراقلک محله اعاده سنه و ایکیوز غروش خرج اعلامک ایلروده حقسنر حقیقه جق طرفدن تحصیلنه ۲۴ شباط ۳۳۱ تاریخنده متفقاً قرار ویرلدی .

حکم نمیز جزا دائره سننده صادر اولره ۲۹ شباط ۳۳۱ تاریخ ۴۹۲۷ نومرولی اعلام صور نمیز :

« قتل قصدی بولمادینی نك نه کی احوال دن استنباط ایلدیکی دلائل کافیه تعدادیله ایضاح ایدلمک لازمدر . »

عینتاب سنجانی بدایت محکمه سی جزا دائره سنندن صادر اولان ۲۱ کانون اول ۳۳۱ تاریخلی و یوز قرق بش قرار نومرولی اعلام ایله اوراق متفرعه سی باش مدعی عمومیلک مأموریت علیه سنندن ۲۷ ربیع الاخر ۳۳۴ و ۱۸ شباط ۳۳۱ تاریخلی و دردت بیک اوچیوز طقسان اوچ نومرولی تبلیغنامه ایله ۲۰ شباط ۳۳۱ تاریخنده محکمه تمیز جزا دائره سنه اعطا قلنمشدر .

اعلام مذکورک خلاصه مندرجاتی اوچیوز اوتوز سنه سی کانون اولنده عینتاب قصبه سننک جویرلیجه محله سنندن عثمان اوغلی عثمانی جرح ایله تعطیل عضوینه سبب اولق و اولباده فرعاً ذیمدخل بولنق و طاشچی بکر اوغلی بکرک خانه سنه جبراً دخول ایتک ماده لرندن دولای جنایتله اتهام اولنان قصبه مذکورک قزله مسجد محله سنندن عثمان اوغلی بربر علی و جانی محله سنندن طاغلی مصطفی اوغلی برهان محمدک اجرا قلان محاکمه لری نتیجه سننده متهمان مرقوماندن بربرعلینک مذکور تعطیل عضو فعلنه جرأتی ثابت اولدیغندن مجرمیتنه و قانون جزانک یوز یتیمش یدنجی ماده سنه تطبیقاً و درجه فعلنه نظراً آلتی سنه مدته کورکه قونلنسنه

و دیگر متهم برهان محمدك فعل مذ كورده قزعا ذم دخل اولدینی ا كلاشیله مدیغندن بوجهتدن برائتیه ثابت اولان طاشچی بكرك خانه سنه صورت خهیه ده كیرمك فعلندن دولایی جنحه درجه سنده فاعلیته و اون بش كون مدته حبسه ۲۴ ایلول ۳۳۱ تاریخنده حکم اولندیغندن عبارتدر .

ذكر اولسان تبلیغنامه ده دخی فعل مدعا بهك تعطیل عضو ماهیتده توصیفی ایقاع اولنان جرحك عادیا ارتكابیله مشروط و مقید اولوب آنجق جرحده وصف جنائی اولدینی تقدیرده فعلك جرح عایدن متولد تعطیل عضو صورتنده توصیفنه مساع قانونی اوله میه جنغه و مسئله حاضرده ایسه استعمال اولنان آلتك كیر قا اولوب طقوز موضعدن ایقاع جرح ایدلمش اولسنه نظراً مخالفت شرحنده دخی بیان ایدلدیکی وجهله کیفیتك قتل قصدینه اقترانی نقطه سندنده تذكر و تدقیق و ماهیت فعلك ا كا كوره تعیین و توصیفی اقتضا ایتدیکي حلاله محكمه جه اشبو جهتدن ذهول ایدلمش اولدینی بیانیله اعلام مذ كورك نقضی طلب اولمشدر .

اوراق دعوانك طالعه سندن صكره حكم جنائیدن دولایی تدقیقات تمیزیه اجرا اولندقد تلبیغنامه ده بوجه محرر درمیان اولنان اعراض وارد و بجا كوریه مامش ایسه ده برطاقی یوزو كوزوباش كی نازك عضولره اصابت ایتدیرلمش اولان كیر قا ایله طقوز محلدن ایقاع اولنان جرح فعلنده قتل قصدی بولمادیغنگ نه كی احوال دن استنباط قندینی دلائل معقوله كافیله سنك تعدادیله ایضاح قلمسزین جرمك یالكر تعطیل عضو ماهیتده اوله رق قبول و تلقیسی مخالف قانون بولنش اولدیغندن اشبو سببه بناء و اصول محاكات جزائیله قانونك اوچیوز اون دردنجی ماده سنه توفیقاً حكم مذ كورك نقضنه و احكام قانونیه دائره سنده ایقای معامله اولنق اوزره اوراقلك محله اعاده سنه و ایکیوز غروش خرج اعلامك ایلروده حقسز چیقه جق طرفدن تحصیلنه ۲۱ شباط تاریخنده اکثریتله قرار ویرلدی .

محكمه تمیز جزا دائره سنده صادر اولده ۲۹ شباط ۳۳۱ تاریخلی ۴۹۶۴ نومرولی اعلام صورته بر :

« ضبطنامه زیرنده هیئت حاكمه دن برینك امضاسی یرنده بد آخر طرفندن یازلدیغه -
دالات ایدله جك صورتده نقطه لردن متشكل برداره دروننده او اعضانك اسمنك
بولنسی و ثوق قانونی بی محلد »

لازستان سنجایی بدایت محكمه سی جزا دائره سندن صادر اولان ۱۸ ربیع الاول سنه ۳۳۴ و ۱۱ كانون ثانی سنه ۳۳۱ تاریخلی و یوز قرق بش نومرولی اعلام ایله اوراق متفرعه سی باش مدعی عمومیلك مأموریت علیه سندن ۱ جمادی الاول سنه ۳۳۴ و ۲۲ شباط سنه ۳۳۱ تاریخلی درت بیک درتیوز الی ایکی نومرولی تبلیغنامه ایله ۲۴ شباط سنه ۳۳۱ تاریخنده محكمه تمیز جزا ۱۰ اثره سنه اعطا قلمشدر .

اعلام مذ كورك خلاصه مالی اوچیوز یكرمی طقوز سنه سی كانون اولنك یكرمی التبعی کیجه سی میاوری

لاحیه سنك ارقوطیل قریه سندن کریدلی اوغلی ابراهیمك اوغلی مصطفای قتل ایدلكری ادعا قلمسندن دولایی جنایتله اتهام اولنان قریه مذ كورده دن کریدلی اوغلی حق بن حسین و چامورلی اوغلی محمد بن هاشمك اجرا قلان محاكمه لری نتیجه سنده متهمان مرقومانك متصوراً و فاعل مستقی تعین ایدله میه جك صورتده مشترکاً فعل قتل مذ كوره جرأتلری ثابت اولدیغندن مجرمیتلرینه و قانون جزانك یوز یتمشنجی و یوزسكسانجی ماده لرینه توفیقاً مستحق اولدقلى اعدام جزاسنه بدل اوزسنه مدته كورك قونلرینه ۳۰ ایلول سنه ۳۳۰ تاریخنده حکم اولدیغندن عبارتدر .

اوراق دعوی بعد المطالعه تدقیقات تمیزیه اجرا اولندقد تلبیغنامه ده دخی بیان اولدینی وجهله اصل محاكمه ضبطنامه سی زیرنده هیئت حاكمه دن صرافیم اقدینك امضای ذاتیسی موجود كوریه میوب امضاسی محله شخص آخر طرفندن یازلدیغه دالات ایدله جك - ورتده نقطه لردن متشكل دائره دروننده اسمنك محرر بولنسی و ثوق قانونی بی محل و مخالف قانون بولندیغندن اعلام مذ كورك اصول محاكات جزائیله قانونك اوچیوز اون دردنجی ماده سنه توفیقاً نقضنه و احكام قانونیه دائره سنده ایقای معامله اولنق اوزره اوراقلك محله اعاده سنه و ایکیوز غروش اعلام خرجنك ایلروده حقسز چیقه جق طرفدن تحصیلنه ۲۷ شباط سنه ۳۳۱ تاریخنده متفقاً قرار ویرلدی .

محكمه تمیز جزا دائره سنده صادر اولده ۲۹ شباط ۳۳۱ تاریخلی ۴۹۶۹ نومرولی اعلام صورته بر :

« هیئت اتهامیه مضبطه سی مظنونك جنحه درجه سنده محكمه یه سوقتی متضمن و محكمه تمیز عندالمحاكمه حاصل
اوله جق نتیجه یه كوره اتخاذ قرار صلاحیتی حائز بولندیغندن مذ كور مضبطه نك احتوا ایتدیکي
قرار قابل تمیز مقررات قطعیه دن دكلدر »

حریر قریه لی مام نینك کیفیت قتلندن دولایی مظنون علیه بولان قریه مذ كوره لی اقدی بن عزیزك جنایتله لزوم محاكمه سنده دائر اولان مستنطق قرارنامه سنك فسخیله مرقومك قتل مذ كوری بالمقابله ایقاع ایلش اولدیغندن بمحله جنحه درجه سنده لزوم محاكمه سنده ۱۱ كانون اول ۳۳۱ تاریخنده قرار ویرلدیكنه دائر موصل ولایتی هیئت اتهامیه سندن تنظیم و اعطا اولنان ۱۹ ربیع الاول ۳۳۴ و ۱۱ كانون ثانی ۳۳۱ تاریخلی و سكر یوز اون ایکی نومرولی مضبطه نك تمیزاً تدقیق حقه ده ولایت مذ كوره استیفاء مدعی عمومیلكندن معطی استدعایله ایله متفرعاتی باش مدعی عمومیلك مأموریت علیه سندن ۲۴ ربیع الاخر ۳۳۴ و ۱۵ شباط ۳۳۱ تاریخلی و درت بیک ایکیوز نومرولی تبلیغنامه ایله ۲۵ شباط ۳۳۱ تاریخنده محكمه تمیز جزا دائره سنه تودیع ایدلمكه لدى المطالعه استدعایله مذ كور مدت قانونیه سی ظرفنده ویرلمش و سالف الذكر تبلیغنامه ده دخی فعل مدعا بهك بالمقابله ایقاع ایدیلوب ایدلدیكنك تقدیری جنایت محكمه سنك وظیفه سی داخلنده

ایدوکنه دائر سرد ایدیلن اعتراضک غیر وارد کورلایکی بیانیله استدعایه نیک ردی طلب او نقده بولنش ایسه ده مضبطه مذ کوره مظن علیک جنحه درجه سنده محکمه یه سوقتی متضمن و محکمه جرمک نوع و درجه یی حقنده عندالمحاكمه حاصل اوله جق نتیجه یه کوره اتخاذ قرار صلاحیتی حائز بولمسنه و محکمه جه اولباده اتخاذ اولنه جق مقرراتدن طولای حقوق عمومیه نامنه استیناف و تمیز کبی طرق قانونیه ده موجود اولمسنه کوره مذ کور مضبطه نیک حاوی اولدینی قرار قابل تمیز مقررات قطعیه دن کوریله مامش اولدیغندن مارالد کر تمیز استدعاسنک اشبو سببه بناء ردینه ۲۷ شباط ۳۳۱ تاریخنده متفقاً قرار ویرلدی .

محکمہ تمیز جزا دائره مندره صادر اولاره ۲۹ شباط ۳۳۱ تاریخ ۴۹۸۳ نومرولی اعلام صورته ییر :

« محل سرفتک کشف ورقه سنده تفصیلات کافی بولنادینی حاده شاهدلردن ایضاحات آلمق سزین و یا خود محل مذ کورک تکرار کشفی اجرا ایدلمک سزین سرفتک سرفت موصوفه اولدیغنه قرار ویرلای مخالف قانوندر . »

لاذقیه سنجانی بدایت محکمه سی جزا دائره سندن صادر اولان ۱۵ ربیع الاول سنه ۳۳۴ و ۷ کانون ثانی سنه ۳۳۱ تاریخلی واللی بر نومرولی اعلام ایله اوراق متفرعه سی باش مدعی عمومیک مأموریت علیه سندن ۳ جمادی الاولی سنه ۳۳۴ و ۲۴ شباط سنه ۱۳۱ تاریخلی و درت بیک درتیوز سکسان نومرولی تبلیغنامه ایله ۲۵ شباط سنه ۳۳۱ تاریخنده محکمه تمیز جزا دائره سنه اعطا قلمشدر .

اعلام مذ کورک خلاصه مالی اوچ یوز اوتوز بر سنه سی تموزی ظرفنده عین الیضا قریه سی اهایلسندن حسن بن محمود فاضلک دکانندن اشیاسنی سرقت ایلدکری ادعاسیله جنایتله اتهام اولنان رویسته الطویله قریه سی اهایلسندن علی بن کامل لفور و عین الیضا قریه لی محمد بن محمود لفور و مرقوم محمدک زوجیه سی ضیا نام اشخاصدن محمدک عسکره سوق اولندیغنی اکلایلمغله محاکمه سی تأجیل اولنهرق دیکر لرلی علی و ضیانک اجرا قلنان محاکمه لرلی نتیجه سنده متهمان مرقوماندن علیک لیلای مدعینک دکانتی دله زک درونندن اشیاسنی سرقت ایلدیکی ثابت اولمغله مجرمیتنه و قانون جزانک ایکی یوز یکرمنجی ماده سنه توفیقاً اوچ سنه مدتله کورکه قولمسنه و دیکر متهمه ضیانک ده برائته ۱۴ کانون اول سنه ۳۳۱ تاریخنده حکم اولندیغندن عبارتدر اوراق دعوی بعدالمطالعه حکم جنائیدن دولای تدقیقات تمیزیه اجرا اولندقدده ذکر اولنان تبلیغنامه ده دخی بیان اولندیغنی اوزره محل سرفتک کشفی ناطق اولان ورقه ده پنجره ده طاشلردن بریکسنک سوکوله رک ایچرویه دخول ایلدیکی مذ کور اولوب بونلرک آلت مخصوصه استعمالی صورتیله دلتوب دلمدیکی و بنانک درجه رصانت و متاتنه کوره ال ایله قالدیریلوب قالدیریله میه جفی خصوصلری حقنده صراحت موجود اولمادیکی کبی محکمه جه ده نقاط مذ کوره حقنده شاهدلردن ایضاحات مطلوبه استحصال و یا آخر صورتله محل مذ کورک کشفی اجرا اولنقسزین بر منوال محرر مرقومک سرفت موصوفه ایله مجرمیتنه قرار اعطا و اکا کوره تطبیق مجازات

اولنمی مخالف قانون و مستلزم نقص احوال دن بولنش اولمغله اصول محاکمات جزاییه قانوننک اوچ یوز اون دردیجی ماده سنه توفیقاً حکم مذ کورک تقضیله احکام قانونیه دائره سنده ایفای معامله اولنقی اوزره اوراقنک محله اعاده سنه و ایکی یوز غروش خرج اعلامک ایلروده حقسنز چیه جق طرفدن تحصیلنه ۲۸ شباط سنه ۳۳۱ تاریخنده متفقاً قرار ویرلدی .

محکمہ تمیز جزا دائره مندره صادر اولاره ۲۹ شباط ۳۳۱ تاریخ ۴۹۸۸ نومرولی اعلام صورته ییر :

« تقضی طلبا لنان هیئت اراوه مضبطه سی مستنطقلکجه اتخاذ اولنان منع محاکمه قرارینک محکمه ریاستی طرفندن تصدیق و یا لزوم محاکمه تحویلی امرنده اصولاً مقتضی معامله نیک ایفای لزومنه متدائر اولدیغنه کوره احتوا ایلدیکی قرار قابل تمیز مقررات قطعیه دن دکلدره . »

اماسیه نیک میدان قبطی محله سندن حسنی اوغلی شوقینک لیلای و جبراً نقودینی اخذ و سرقت ایلدکری ادعاسیله مظنون علیهما قره حسین اوغلی صائلش و زوجیه سی عائشه نیک منع محاکمه لرینه دائر اولان مستنطق قرارنامه سنک دلائل جدیده ظهورندن بحثله واقع اولان ادعا اوزرینه جانیک هیئت اتهامیه سنجیه فسخ اولنهرق اخیراً اراده اولنان شهودک استماعیه قرار قانونیه ربطی ضمننده اوراقنک محلی مستنطقلغنه اعاده قلمنمی اوزرینه مستنطقلکجه اجرا قلنان تحقیقات اخیره نتیجه سنده تکرار اتخاذ اولنان منع محاکمه قراری جانیک استیناف مدعی عمومیک سنجیه صلاحیت قانونیه خارجنده و آن لم یکن حکمنده عد اولنهرق فقدان دلائله مبنی مظنون علیهما نیک منع محاکمه لرینه قرار ویرلمی طلیسیه اولباده کی اوراق مذ کور هیئت اتهامیه یه تودیع قلمنش و هیئت مذ کوره جه دخی بلا اعتراض سوق ایدیلان مواد حقنده منع محاکمه قراری اتخاذی هیئت اتهامیه نیک وظیفه سی خارجنده کوریلوب منع محاکمه دائر اخیراً اتخاذ اولنان مستنطق قرارینک تصدیق و یا لزوم محاکمه تحویلی خصوصی محکمه ریاسته عائد بولندیغندن بحثله اقتضای قانونیسنک ایضا و اکال اولنمی ضمننده اوراقنک محله اعاده سنه ۲۷ کانون اول ۳۳۱ تاریخنده قرار ویرلمش اولمسنه و قرار مذ کوری حاوی تنظیم اولنان ۲۷ کانون اول ۳۳۱ تاریخلی و درت یوز یتش ایکی نومرولی مضبطه نیک ده تمیزاً تدقیق مذ کور استیناف مدعی عمومیکلی جانبندن استدعا ایدلمش اولسنه مبنی اولباده کی اوراق دعوی باش مدعی عمومیک مأموریت علیه سنک ۸ ربیع الاخر ۳۳۴ و ۳۰ کانون ثانی ۳۳۱ تاریخلی و اوچ بیک طقوز یوز سکسان سکز نومرولی تبلیغنامه سیله ۱۱ شباط ۳۳۱ تاریخنده محکمه تمیز جزا دائره سنه تودیع قلمنش اولمغله بالمطالعه مذ کور تمیز استدعایه سنک مدت قانونیه سی ظرفنده ویرلیدی اکلایلمغله و ذکر اولنان تبلیغنامه ده دخی مظنون مرقومک منع محاکمه سی حقنده مقدما مستنطقلکجه اتخاذ اولنان قرار هیئت اتهامیه نیک نظر تدقیقندن کچمش اولمسنه مبنی ظهور ایتدیکی بیان اولنان دلائل جدیده نیک تقدیر ماهیتی دخی

هیئت مذکور به عاقد اولدیغندن بختله مضبطه مذکورہ نك نفی طلب اولنمقده ایسه ده مذکور هیئت اتهامیه مضبطه سی مستطقلقجه اخیراً اتخاذ اولنان منع محاکمه قرار نك محکمه ریاستی جانبندن تصدیق و یا لزوم محاکمه به تحویلی امرنده اصولاً مقتضی کوریلان معامله نك ایفاسی لزومنه متداثر وشو معامله نك اکیلندن صکره مذکور مسنطق قرار ی علیهنه اعتراض اولنمق صورتیه کیفینک هیئت اتهامیه نك نظر تدقیقنه وضعی طریق ده موجود بولنش اولسنه کوره مضبطه مذکورہ نك حاوی اولدینی قرار قابل تمیز مقررات قطعیه دن معدود اولماغله تدقیقات تمیزیه ایفاسنه محل کوریه مامش اولدیغندن مذکور تمیز استدعاسنک ردینه ۱۳ شباط ۳۳۱ تاریخنده اکثریتله قرار ویرلدی .



عدلیه مفتشاری اسامیسی ایله امر اخیرہ قدر ایفای وظیفہ ایله جکری

دوائر تفتیشیہ فی ناطق جدولدر

۷ کانون اول ۳۳۱ تاریخلی عدلیه هیئت تفتیشیہ نظامنامہ سنک ایکنجی ماده سی موجبہ با ارادہ سنہ منصوب و حال حاضرده موجود عدلیه مفتشارینک مذکور نظامنامہ نك آلتنجی ماده سنک فقرہ اولاسی حکمنہ توفیقاً ایفای وظیفہ ایله جکری دوائر تفتیشیہ هیئت مذکورہ ریاستدن بروجیزر تعیین ونظارت جلیلہ جه تصدیق ایدیلرک کیفیت کندولرینه تبلیغ ایدلشددر .

مفتشک اسمی	مقدمامأمور اولدینی دائرة تفتیشیہ	تاریخ تحویل	ایفای وظیفہ ایله جکی دائرة تفتیشیہ
کنعان بك	طربزون	۲ شباط ۳۳۱	ادرنه
توفیق نظیف بك	ادرنه	۲ شباط ۳۳۱	آیدین
اسحق توفیق بك	حلب	۲ شباط ۳۳۱	طربزون - جانیك
مظهر بك	خداوندكار	۹ شباط ۳۳۱	قسطنمونی
یوسف ضیا بك	قسطنمونی	۹ شباط ۳۳۱	موصل - حکاری
اسماعیل حق بك	آنقره	۹ شباط ۳۳۱	معموره العزیز
سلیم سری بك	معموره العزیز	۹ شباط ۳۳۱	آنقره
عطا بك	موصل	۹ شباط ۳۳۱	سیواس
حسین ذهنی بك	سیوس	۹ شباط ۳۳۱	آطنه
رفعت بك	دیاربكر	إبقاء	دیاربكر
عبدالكریم بك	بیروت	إبقاء	بیروت
شوكت بك	سوریه	إبقاء	سوریه
توفیق فكرت بك	قونیہ	إبقاء	قونیہ

تفسیر قانونه

تفسیر قانونه دائر

اداره مملکت حقنده اصول عمومیه وضع ایدن قوانین قواعد حقوقیه نك تلفیقندن تحصیل ایتسی طبعی بولان کافه احوال خصوصیه بی احتوا ایدهن . قانون بعضاً احوال مذکورده دن بر خصوص حقنده اصلا بحث ایتز و بعضاً خصوص مذکورده نك غایت ناقص بر صورتده بحث ایدر و بعض کرده قانونك متنی مغلق ویاخود معقد و غیر واضح اولور احوال مذکورده ده قانون تفسیر صورتیه اكمال اولنق اقتضا ایدر .

هر نوع قوانین محتاج تفسیر اوله بیلیر بناء علیه بعض مؤلفلرک قوانین جزائیہ نك تفسیری جائز اولمیه جغه دائر اولان مطالعه لری طوغری دکدر فقط بو خصوصده تفسیر ایله قیاسی بر بردن تفریق ایتک لازمدر . تفسیر بر قانونك معناسنی تدقیق و تعیین ایتکدر بو ایسه قوانین جزائیہ ایچون دخی وارددر . چونکه قوانین مذکورده نك عباره سی ده مغلق و معقد اوله بیلیر بو تقدیرده واضع قانونك مقصدی ندن عبارت اولدینی تحری اولنق و قانون اکا موافق اوله جق صورتده تطبیق ایدلک اقتضا ایدر . بالعکس قیاس صورتیه تطبیق واضع قانونك مسکوت عنه بر اقدینی بر خصوص حقنده دیگر بر خصوص ایچون تصریح ایتدیکی قاعده بی علت وضعده کی اشتراکدن طولای تطبیق ایتکدر . قوانین مدنیہ نك قیاس صورتیه تطبیق جائز اولور ایسه ده قوانین جزائیہ نك قیاس ایله تطبیقی اصلا جائز اولماز زیرا بویه بر قاعده مرعی اوله جق اولسه نوع بشرک حیات وحریت شخصیہ سی تهلکیه دوشر . تفسیر ایکی نوعدر بری تفسیر حکمی دیگر تفسیر علمیدر قاعده قانونی اصدار ایدن قوت هانکیسی ایسه انجق انک طرفندن تفسیر اولنق اقتضا ایدر . بوتفسیر صلاحیتی و قتیله اوروپاده حکمداره ویاخود شورای دولته و بعض یرلرده هیئت اعیانه عائد ایکن الیوم هر طرفده صلاحیت مذکورده قوه تشریعیه ویرلشددر بناء علیه قوه تشریعیه مقدا صادر اولان بر قانونی تفسیر ضمنده ایجابنده ایکنجی بر قانون اصدار ایدر و بو قانون اولکنه ملحق اولور و بوکا تفسیر حکمی ویا تشریعی اطلاق اولنور . شو قدرکه تفسیر قانون مسئله سی دردست رؤیت اولان بر دعوانك تحقیقات و محاکمه سی انناسنده حادث اولدینی تقدیرده اجرای عدالت قضیه سی اصلا تأخر ایتماک مقصدیه بو مسئله نك حلی بدایت واستیناف و تمیز محکمه لرینه و نقض اوزرینه اصرار وقوعنده صورت قطعیده برقرار ویرمک اوزره محکمه تمیز هیئت عمومیه سنه عائد اولور . ایشته کرک مؤلفلر و کرک محاکم طرفندن ایفا ایدیلان شو تفسیره تفسیر

علمی و یا عدلی اطلاق اولنور . شوراسی شایان دقتدرکه محاکم مذکورہ هیچ بر وجهله بو نفسیر وظیفہ سی اہمال ایدہ من چونکہ قانونده صراحت اولدیغندن و یا خود قانونك عبارہ سی مغلق و یا خود معقد و یا غیر واضح اولدیغندن و یا خود صراحت کافی نی حاوی بولمیدیغندن بحثله اعطای حکمدن امتناع ایدن حکامک حرکتی احقاق حقندن استسکاف فعلی تشکیل ایدہ جکی و بو فعل بر چوق مملکتلرده مستلزم جزا اولدیغنی جہتلہ حکام حقندہ تعقیبات عدلیہ اجرا اولنور از جملہ فرانسه قانون جزاسنك یوز سکسان بشنجی مادہ سندہ بالجلہ حکام و محکمہ لر و ادارہ مأمورلری و ادارہ ہیئتلی کنڈیلرینہ مراجعت وقوعندن صوکرہ قانونده صراحت اولدیغنی و یا خود قانون مغلق و غیر واضح اولدیغنی بہانہ سیلہ بیلہ طرفینہ قارشواحقاق حقندن استسکاف ایتدکاری و مافوقلری طرفندن وقوعبولان اخطار اوزرینہ ممانعت سابقہ لرندہ اصرار ایلدکاری حالہ ایکوز فرائقندن بشیوز فرانقہ قدر جزای تقدی اعطاسنہ و بش سندن یکریمی سنہ یہ قدر مأموریتندن محرومیت جزاسنہ مستحق اولورلر دیہ محرر .

انفاً بیان ایتدیکمز صورتلہ بر قانونك تفسیری ضمنندہ قوہ تشریعیہ مراجعت وقوعندہ قوہ تشریعیہ بو خصوصده هیچ بر قاعدہ موضوعیہ تابع دکلدر وقراری قانون شکنندہ اولہ جنی جہتلہ جملہ ناس حقندہ مرعی و معتبردر بالعکس محاکم تفسیر خصوصندہ بر طاقم قواعد موضوعیہ رعایت ایتکہ مجبوردر قواعد مذکورہ خلافندہ قرار ویردکاری حالہ اشبو قرارلری محکمہ تمیزجہ نقض اولنور . بوندن ماعدلر بر محکمہ ده رؤیت اولنان بر دعوی اثناسندہ ظهور ایدن تفسیر مسئلہ سی محکمہ مذکورہ حل و فصل ایتدکن صوکرہ کنڈینسہ عرض اولنان احوال مماثلہ دہ ینہ بو تفسیرہ توفیقاً فصل دعوی ایدہ جکنہ دائر بر قرار ویرہ من چونکہ حکام حکمی عمومہ شامل اولہ جق صورتندہ نظام طرزندہ اعلام اصدارندن ممنوعدر بناءً علیہ بر محکمہ طرفینی بشقہ اولان عین دعوا یہ متعلق بر مادہ قانونیہ یی اولجہ وقوعبولان تفسیرینہ مخالف اولہ رق تفسیر ایدہ بیلیر . فی الواقع محاکم بو یولده کی صلاحیتی سوء استعمالہ مساعد کبی کوریلور ایسہ ده قوہ تشریعیہ ایلہ قوہ عدلیہ نك یکدیگرنندن تقریقی و قوای ثلثہ دولت ینندہ موازنت حصولی انجق بو طریق ایلہ ممکن اولور . قوہ عدلیہ نك حق تفسیری سوء استعمالہ میدان ویرمامک ایچون قوہ تشریعیہ قانونلری اغلاق و تعقیددن وارستہ اولہ جق بر طرزندہ تنظیم ایتلیدر . اووقت حا کملر قوانین مسطورہ نك مأخذلری و ہیئت اعیان و مبعوثاندہ جریان ایدن مذاکراتی نظر مطالعہ یہ الہرق آتلی قوہ تشریعیہ نك مقصدینہ موافق صورتندہ تفسیر ایدرلر . قوہ عدلیہ نك وظیفہ سی بیان ایتدیکمز صورتلہ اصولاً و یا خود قانوناً تحدید ایدلماش اولسہ مونسکیونك دیدیکی کبی قوہ عدلیہ صورت ظالماندہ تطبیق ایتک ایچون قانون و نظام طرزندہ ظالمانہ حکملر اصدار ایدر . حتی بو اساسک محافظہ سیچون آوروپانک بعض قوانین جزائیہ سندہ قوہ عدلیہ نك بو صورتلہ وظیفہ سی تجاوز ایلمسی جرایمندن عد اولنشددر . از جملہ فرانسه قانون جزاسنك یوز یکریمی یدنجی مادہ سی شو وجهله مسطوردر : اولاً حکام واستیناف و بدایت

مدعی عمومیلری و یا معاونلری و یا خود ضابطہ عدلیہ مأمورلری احکام نظامیہ یی حاوی امرنامہ لر تسطیری و یا خود بر و یا متعدد قانونلرک اجراسنی تأخیر و یا تعطیل و یا خود قوانین موجودہ نك نشری و یا اجرا اولوب اولنماش حقندہ اجرای مذاکرہ ایتک صورتلریہ قوہ تشریعیہ نك وظیفہ سندہ مداخلہ ایتدکاری ثانیاً حکام و بدایت واستیناف مدعی عمومیلری و یا معاونلری و ضابطہ عدلیہ مأمورلری ہیأت ادارہ نك جملہ وظائفندن بولنان مواد حقندہ نظامنامہ لر تنظیم ایدرک و یا خود ادارہ مأمورلری طرفندن صادر اولان اوامرک اجراسنی منع و یا خود ادارہ مأمورلری اجرای مأموریتلرندن طولانی محکمہ حضورینہ جلبہ مساعدہ و یا بو خصوصی امر ایتک و یا خود اولبایدہ اصدار ایتدکاری حکم و قرارلر فسخ و نقض و یا خود بوبایدہ کی اختلاف حل ایدلیدیکی حالہ بونرک اجراسی خصوصندہ اصرار ایتک صورتیہ وظائف ملکیہ یہ مداخلہ ایدرک صلاحیتلری تجاوز ایتدکاری حالہ مأموریتی سوء استعمال جزاسنہ مستحق اولورلر . مذکور قانون جزانك یوز آلتش سکزنجی مادہ سندہ دخی قانونك جزای مخ، و من تعیین ایتدیکی احوالده مأموریتی سوء استعمال جزاسی حقوق مدنیہ دن اسقاطدر دینیلور . شو حالہ قانون و نظام طرزندہ حکم اصدار ایدن حکامک حقوق مدنیہ دن اسقاط جزاسنہ دوچار اولہ جنی آ کلاشلیمقدمدر . آلمانیا و فلمنٹ جزا قانونلرینك ترجمہ لری نظر تدقیقندن کچیردم فقط انلردہ بو مثللو احکام جزائیہ تصادف ایدہ مدم بونک سببی مذکور مملکتلرده ہیئت حا کمہ وظیفہ سی لایقیلہ تقدیر ایدرک اجرای عدالتدن اصلا استسکاف ایلماش و بیان اولنان مداخلات قطعاً ظهور ایتماش و بناءً علیہ احکام جزائیہ ایلہ اجرای ترہیانہ حاجت مس ایتماش اولماسیدر . نتہ کیم بیوک فرہ دریق ایلہ بردکرمنجی ینندہ وقوعبولان بر حادثہ غریبہ ده دکرمنجینک قرال بکا برشی یاپہ من زیر برلیندہ محکمہ لر وارد دیدیکی مشهوردر . حالبوکہ وقتیلہ پارلامنتو تعیر اولنان پارس استیناف محکمہ سی عنواننک معناسنی سوء تلقی و کنڈینسی انکترہ پارلامنتوسی مثابہ سندہ ظن ایدرک اکثر دعاوی حقندہ کی حکملری قانون و نظام شکنندہ اصدار ایلیدیکی و قرال طرفندن وضع اولنان بعض قانونلری غیر واضح عد ایدرک احقاق حقندن استسکاف ایتدیکی تواریخ علم حقوقندہ مسطوردر .

تفسیر قانون خصوصندہ کی قواعد عمومیہ بروجه بالا بیان ایتدیکمز صورتلردن عبارتدر . شمدی قوانین دولت علیہ نظرندہ تفسیر قانون صلاحیتنک هانکی ہیئتله عاڈ اولدیغنی و بوبایدہ کی احکام قانونیہ نك قواعد عمومیہ موافق اولوب اولدیغنی تدقیق ایدلم : قانون اساسینک یوز اون یدنجی مادہ سندہ بر مادہ قانونیہ نك تفسیری لازم کلدکده امور عدلیہ متعلق ایسہ تعیین معناسی محکمہ تمیز و ادارہ ملکیہ یہ دائر ایسہ شورای دولته و اشبو قانون اساسیدن ایسہ ہیئت اعیانہ عاڈ اولدیغنی بیان اولنور . بومادہ نك نتایج تطبیقیہ سی ابضاح ایدہ جک اولور ایسہ ک بالادہ عرض ایتدیکمز قواعد عمومیہ موافق اولدیغنی و محدودردن سالم بولمیدیغنی آ کلاشیلیر شویله کہ : بر بدایت و یا استیناف محکمہ سندہ اقامہ اولنان بر دعوانک اثنای محاکمہ سندہ بر مادہ قانونیہ نك تفسیری لازم کلدیکی تقدیردہ بدایت و یا خود استیناف محکمہ سی دعاوی

مذکورہ فی تعطیل ایدرک طوغریدن طوغری به ویاخود بالواسطه محکمہ تمیزہ مراجعتہ و محکمہ تمیز دخی
 کندی نزدندہ بویله بردعوی موجود اولدینی حالده ماء منازع فہائی تفسیرہ مجبور اوله جق وقوہ اجرائیہ
 ویاخود برادارہ ملکیمہ مأموری ویا مجلسی وحتی شورای دولت دخی اجرا ویا مذاکرہ ایتدیکی بر خصوص ادارتیک
 حلی ضمنندہ قوانین عدلیہ دن بر ماده قانونیہ نک تفسیر نہ احتیاج کوردیکی صورتده هان محکمہ تمیزہ مراجعت
 و محکمہ تمیز دخی او ماده فی تفسیر و دوائر متعلقہ سنہ تبلیغ ایتکله مکلف بولنه جقدر . بو صورتده محکمہ
 تمیز بر دعوی ضمنندہ حل مسئلہ ایتیوب صورت عمومیه ده بر ماده قانونیہ فی تفسیر ایتش اولدیفندن
 عین ماده نک تفسیری ضمنندہ ایتنجی ویا اوچنجی دفعه اوله رق وقوعبولان مراجعت اوزرینہ اولکی رأیندن
 رجوع ایتکله بر وسیله یوقدر و بوندن طولانی او خصوص حقندہ کندیسندن بلکه ده بردها برشی صورلماز
 آنجق اولکی تفسیری قانون کی تطبیق ایله اکتفا اولور . ایشته بومقدمادن آکلاشیلور که محکمہ تمیزک
 قانون اساسینک مذکور ماده سنہ توفیقاً حائز اولدینی حق تفسیر قوہ تشریعیہ اشتراکدن بشقه برشی
 دکدر . تشکر اولور که اصول محاکات حقوقیه قانوننک ایکوز قرق طقوزنجی ماده سیله اصول محاکات
 جزائیہ قانوننک اوچوز قرق التنجی ماده لری حکمنجه بر بدایت ویا استیناف محکمہ سندن صادر اولان
 حکم عائد اولدینی دائرہ خصوصیه طرفندن نقض اوله رق تکرار رؤیت دعوی ضمنندہ بدایت ویا استیناف
 محکمہ سنہ اعاده اولدینی و محکمہ مذکورہ دخی سبب زائد اولدینی حالده حکم سابقده اصرار ایلدیکی
 حالده کیفیت تکراراً وقوعبولان استدعا اوزرینہ ویاخود ایجابندہ رأساً محکمہ تمیزہ کلدیکی زمان محکمہ
 تمیز هیئت عمومیه سی حکم مذکور کی کالاول نقض ایدر ایسه محکمہ تمیزک قراری حکم مذکور کی اعطا
 ایدن بدایت ویاخود استیناف محکمہ سنک تمیز اعلامندہ بیان اولنان اساسه اتباعه مجبور اوله جینی محرد
 بولمغله محکمہ تمیز اوتہ دئیری قانون اساسینک یوز اون یدنجی ماده سنندہ محکمہ تمیزہ عائد اولدینی
 کوستریلان حق تفسیری مذکور ایکی ماده ده بیان اولنان قاعده به حل ایدرک سوء استعماله محل ویرمیش
 و بعض مواد قانونیہ نک تفسیری ضمنندہ کندیسنه طوغریدن طوغری به وقوعبولان مراجعتی دائماً رد
 ایتشد . قانون اساسینک مذکور ماده سنندہ شورای دولته عائد اولدینی بیان اولنان حق تفسیرہ کلنجہ
 بونک محکمہ تمیزہ عائد اولدینی بیان اولنان حق تفسیردن زیادہ داعی سوء استعمال اولدینی بالبداهه
 آکلاشیلور شویله که : قوہ اجرائیه ایله معیتندہ بولنان اداره مأمور و مجلسلری و محاکم عدلیه بیله قوانین
 ملکیمہ دن بر ماده نک تفسیرندہ تردد ایتدکلی تقدیرده تدقیق ورؤیت ایتکده اولدقلی مصالح ویا دعاوینک
 تدقیق ورؤیتی تأخیر ایدرک شورای دولته مراجعتہ مجبوردرلر . ماده مذکورہ نک تفسیری حقندہ شورای
 مذکور طرفندن ویریلان قرارلر کندیسنک تدقیقنه مجبور اولدینی بر صلاحیت مخصوصه نک حلی ضمنندہ
 صادر اولدینی جهله بالطبع قانون حکم وقوتندہ در . فضله اوله رق شورای مذکورک مصالح مخصوصه
 حقندہ ویردیکی قرارلر دخی قوانین ملکیمہ دن بر ماده به مستنداً صادر اولمش ایسه تفسیر مایهتندہ بولنه جفندن

بو مثالو مقرراتک ده قانون حکم وقوتندہ اولدینی ادعاسی در بیان اولنه بیلیر . قانون تنظیمی خصوصندہ کی
 واسطی استثنا ایلدیکی حالده شورای دولته وضعیتی قوہ اجرائیه نک هیئت مشاوره سی اولمقدن عبارت
 ایکن قوای ثلاثہ دولتن قوہ اجرائیه ایله قوہ عدلیه به معارض اوله جق صورتده قوہ تشریعیه به اشتراک
 ایتسی هیچ بر قاعده به توافق ایتز .

قانون اساسینک تفسیری هیئت اعیانه عائد اولدینی سالف الذکر یوز اون یدنجی ماده ده بیان اولنور .
 دیگر طرفدن قانون مذکورک یوز اون آلتنجی ماده سنندہ ایجاب حال ووقته کوره قانون اساسینک بعض
 موادینک تعدیلنه لزوم قطعی کوردیکی حالده قوہ اجرائیه ویاخود قوہ تشریعیه نک ایکی هیئتلرندن بری
 طرفندن وقوعبولان تکلیف اوله هیئت مبعوثان وثانیاً هیئت اعیانده بالما کره تکلیف مذکور ایکی
 هیئت تشکیل ایدن ذواتک اکثریت ثلثان آراسیله قبول واراده سنیه اقترا ایتدکجه کسب قانونیت
 ایدمیر . حالوکه تفسیر طریقله اکثریا بر قانونک حکمی تعدیل اولنه بیله جکی بالاده عرض ایتش اولدیغ
 ایضاحندن آکلاشیلور . اشبو قانون اساسینک مأخذی اولان بیک سکر یوز یتش تاریخی فرانسه قانون
 اساسینک بو ماده به معادل اولان ماده سنک وضعندہ کی مقصدده بوندن عبارت ایدوکی درکاردر چونکه
 تاریخ مذکورده حکومت امپراطوریه قوانین اساسیه به متعلق بر طاقم مساعدتده بولمغه مجبور اولمش ایسه ده
 بوکا مقابل معاشی مأمور صنفندن یتشمش ذواتن مرکب اولان شورای دولت ایله پرنسپردن ورهائیندن
 و حکومت مذکوریه منسوب قدمای رجالدن مرکب اولان هیئت اعیانه بویله بر امتیاز ویرہرک ایجابندہ
 سوء استعماله بر زمین استحضار ایتشد . بزدهده بیک ایکوز طقسان اوچ تاریخندہ مجلس عمومی یکی
 تأسس ایتش و قانون اساسی قوہ مؤسسہ دن کچمه مش اولمغله خارجیه ناظری خلیل بک افندی حضرتلرینک
 قانون اساسی تعدیلاتی مناسبتیله مجلس مبعوثانده ایزاد بیوردقلی نطقده کمال بلاغته ایضاح بیوردقلی
 وجهله هیئت مبعوثانک وظیفه سنی ممکن اولدینی قدر تحدید ایدہ بیلیمک چاره لری دوشونلش و بوده
 بر طرفندن شورای دولت واسطه سیله اداره به مستند قانون مایهتندہ بر طاقم امرلر نشر ایتدیرہ بیلیمک
 صلاحیتی حکومتہ آلمق و دیگر طرفدن قانون اساسی به تعلق ایدن خصوصاتندہ هیئت اعیانه حق تفسیر
 ویرمک صورتیله بولمشد . ایشته اسباب آنفہ نظر مطالعہ دن کچوردیکی حالده بو دفعه قانون اساسینک
 مذکور اون یدنجی ماده سنک لغوی حقندہ حکومت سنیه طرفندن وقوعبولان تکلیف اوزرینہ هیئت
 مبعوثانجه ماده نک لغوینہ دائر اتخاذ اولنان قرار غایت مصیدر و بوندن طولانی محاکم عدلیه به تقرر ایدن
 اصوله اصلاً خلل کمر . بو وسیله ایله خارجیه ناظری خلیل بک افدینک هر خصوصه اولدینی کی حقوق
 اساسیه حقندہ کی تبعات فاضلانلری هر صورته شایان محمت اولدینی بیان ایلرم .

محکمہ تمیز رئیس اولی
 عثمان

مذرجات

۲۰ كانون ثانی — ۱۳۲۱

صحیفه
نومروسی

۵	مارت	۳۳۲	۷۱۹۴	(۱) —
۶	»	»	۷۱۹۵	(۲) —
۶	»	»	۷۱۹۵	(۳) —
۱۴	»	»	۷۱۹۵	(۴) —
۱۵	»	»	۷۱۹۶	(۵) —
۲۹	»	»	۷۱۹۷	(۶) —
۴	نیسان	»	۷۱۹۷	(۷) —
۴	نیسان	۳۳۲	۷۱۹۹	(۸) —

نومبریات عملیه

قوانین و نظامات

(۱) — حرکات ارضیه و حادثات حریبه مندا
۷ كانون اول ۳۳۱ ۷۲۰۰ سببیه دیگر محالر توقیفخانه لرینه نقل
ابدیلن مظنون . مهمله عائد دعاوینك
وؤیت واکالی حقنده

(۲) — قانون جزائك ۱۴۹ نجی ماده سنه ذیل
۱۰ كانون اول ۳۳۱ ۷۲۰۰ ثانی اولقی اوزره مذیل فقرات حقنده

(۳) — باقی عثمانی طرفندن موقع تداوله چیقاریلان
۲۹ شباط ۳۳۱ ۷۲۰۱ بانقاوطلر حقنده

(۱) — (۱۱ — ۱۱) ۳۱ مارت ۳۳۲ ۷۲۰۱

(۱) — (۹ — ۱) ۳۱ نیسان ۳۳۲ ۷۲۰۶

(۱) — ۲۴ كانون اول ۳۳۲ ۷۲۰۹

(۱) — ۲۶ مارت ۳۳۲ ۷۲۰۹

تالیفات عمومی

»

»

»

(۱) — مظنون علیك اقرارینك ماهیتنه داثر اعلام
۱۵ شباط ۳۳۱ ۷۲۱۱ ممیز بهده صراحت بولونسی حقنده

(۲) — مأمورین محاکماتی حقنده ۵ مارت ۳۳۲ ۷۲۱۲

(۳) — محکمه استینافیه جه مظنونه عائد اولوبده
۲۲ » » ۷۲۱۴ شایان تبدیل کوریلن حکم ابتدائی حقنده

۷۲۱۵	»	»	۶	--- (۱) سن حقیقینک طرز تعیین و تقدیری حقنده	محکمہ تمیز ہذا دائرہ سی مقرراتی
۷۲۱۶	»	»	۶	(۲) ۱۰ تموز عفو عمومی حقنده	»
۷۲۱۷	۳۳۲	مارت	۶	--- (۳) مجلس ادارہ مک سن خصوصندہ کی تقدیر واقعہ اعتراض ایلائی تقدیردہ پایلہ جق معاملہ حتندہ	»
۷۲۱۸	»	»	۸	--- (۴) حقوق عمومیہ نامہ تمیزاً تدقیق طلب اولنان مقررات حقندہ	»
۷۲۱۹	»	»	۸	--- (۵) تمیز بہ اولان عدم مسئولیت قراری حقندہ	»
۷۲۲۰	»	»	۱۴	--- (۶) سلاح انداختنک تحریک شدید ماہیتی حائر اولوب اولمادینی حقندہ	»
۷۲۲۱	»	»	۱۴	--- (۷) دولت مأمورینہ مبلغ اعطا ایدلسی کیفیتندہ رشوت جرمینک شرائطی نک بولنوب بولنمادینی نک تدقیق حقندہ	»
۷۲۲۲	»	»	۱۴	--- (۸) قرۃ قاطعہ ماہیتی اسباب قانونیہ نک قرار مجرمیتندہ توضیحی حقندہ	»
۷۲۲۴	»	»	۱۴	--- (۹) متہمک جنایت محکمہ سی اعضاسی صفتیہ رشوت آلدینی ادعا اولندینی تقدیردہ پایلہ جق معاملہ حقندہ	»
۷۲۲۵	»	»	۱۲	--- (۱۰) دلائل جدیدہ حقندہ	»

۷۲۲۷	۳۳۱	۵ اگستوس	۵	--- (۱) مدعی علیہ منازع فیہ ترلانی فلاندن صاتون آلدینی بیان ایندیکنہ کورہ مدعینک اقرار مدکورچی ردایدوب ایندیکنک تدقیق حقندہ	محکمہ تمیز حقوقہ دائرہ سی مقرراتی
------	-----	----------	---	---	-----------------------------------

۷۲۳۰	۳۳۱	۱۸ شباط	۱۸	--- (۱) جرم وقوعندہ ماہیت جرم حقندہ تدقیقات و تحقیقات قانونیہ بولونقی وظیفہ سیلہ مکلف اولان مأمورین عدلیہ بہ محل حادثہ بہ عزیمت و عودت ایچون خر جراح اعطا ایدیلوب ایدلیہ جکی حقندہ	شورای دولت مضبوطہ سی
------	-----	---------	----	--	----------------------

۷۲۳۱	۳۳۲	۱ مارت	۱	امور جزائیہ مدیریت ہرہ سندہ عدلیہ --- (۱) نظارت مجلیہ سندہ تقدیریم ایدیلوب سندہ سابقہ معاملہ سندہ متدار مذکرہ ایلہ ہد اول مربوطہ سی	
------	-----	--------	---	---	--

قسم غیر رسمی

مقالہ

۷۲۴۹				محکمہ تمیز رئیس اولی عثمان بک افندی حضرت تارینک عاقربندہ برینک باخود ایکسینک وفائی تقدیرندہ اجارہ نک عدم انفساخندہ دائر	
------	--	--	--	---	--